


曝書亭集




漢書門			
三	一	三	三
六	六	三	九
五	三	三	九
九	七	三	九
類	架	函	號

內閣文庫		
三	三	漢
一	六	書
八	五	
函	九	
六	七	
架	冊	號

內閣文庫		
番號	漢	3659
冊數	17(6)	
函號	318	44

十七之廿一



曝書亭集卷第十七

秀水 朱彝尊 錫鬯

古今詩十六

柔兆困敦

耳疾示王周二上舍

我齒未七十恒苦兩耳充患此已三年入秋輒內証始焉輪

濕濕既乃氣燼虫蝨林下駭鬪牛門前失吠絨有如兩豆塞難


使五藥攻因之日靜坐物理究初終是非始聽聞衰貶將安

窮處四第自苦察察爾何功讒柄變白黑治道淆汚隆君

子天地閉小人地天用世事付一聾葆我以太沖免懼喪匕

雷免驚擲鷄風人榜我則逸美疾可我躬相法十七家不容

麥者豐況若封丸泥寧非富家翁比鄰有二子相憐病適同



衰如顧我笑子論詎發蒙耳者心之候其穴名聽宮其神字  
幽田其用在司空子今勤著書不異五經筒有時議紛紛講  
席相磨礪說詩匡丞相解經戴侍中無人為畫字子將焉折  
衷主人作而歎何術返我聰客云古方法社酒能治聾來朝  
海燕歸陌上賽社公伐鼓聲淵淵割肉飽蓬蓬吾儕試往祈  
泥飲等喝虹按節舞麗娟安歌走明童三人共顧曲其樂也  
融融

初夏重經龍洲道人墓三十二韻

亭亭馬鞍山產石光瑩然其東勢若巖竹柏翠相映劉生昔  
栖遲於焉日吟詠生耽巖壑幽死愛水木淨要知賢達心義  
不陷俗穿一棺抱山阿勝夾兩婢媵傾崖屏荆榛老樹絕鴉  
鷲既鮮蕘豎侵亦免菜畦蝗乃知斯丘樂匪藉青烏訂我思

南渡後思陵失其政謀夫多去國魏公執兵柄幕府盛賓僚  
子弟談性命棄師累十萬三敗無一勝肆將功罪渚第許心  
術正猛將反先誅豈惟一檜橫哀哉小朝廷自此和議定金  
縉括脂膏臣妾費辭令忍忘君父讎寧計蒼生病過也大布  
衣慨慷本天性好游或渡江嗜酒數中聖議論辛陳間恥與  
餘子並歌詩存十卷卷卷氣雄勁靜夜思中原往往血淚迸  
厥後詣闕書何減諍臣諍庶幾國士風合古之儒行我來百  
世下適墓必生敬三年兩經過涼燠感時興番番玉山叟  
文史廣援證思復東齋祠暇日便眺聽奠以椒桂漿闢此齋  
甍徑誰與能好事率錢表名姓遺文并雕鏤足以播遙曩  
曝書亭偶然作九首

拓得園基一百弓閒來樹底逐雞蟲掃除蝗菜下鷺粟亟命

畦丁修水筒

坵南宜得翠筠看  
一番移來近百竿  
昨夜疾風吹拔木  
老夫差喜竹平安

蜻蜓翅丹蝴蝶黃  
白露滿園秋草長  
靜聽桑斧斫叢棘  
忽露一株巖桂香

蒲萄煎濃注酒餅  
酒闌荷葉香滿汀  
新涼枕簟不妨設  
時有北風吹我亭

槿花本與佛桑同  
也向籬邊吐白紅  
試待來年根盡活  
編成著色短屏風

雨裏芭蕉風外楊  
水中菡萏岸篔簹  
衰翁愛植易生物  
不願七年栽豫章

移橙種橘計蹉跎  
一箇茅亭草蔓多  
輸與城隅譚給事  
花時

處處有行窩  
縮版誅茅事偶然  
修門見說此亭偏  
須知庾信園雖小  
詩賦

江關獨易傳  
平泉花木遠爭移  
金谷繁華盛詠詩  
淪落栖遲杜陵叟  
何人

尚寄草堂貲  
斑魚三十韻

吾衰薄滋味  
意不在梁肉  
第苦藜藿羹  
精力易消縮  
以茲盤

中饌往往供水族  
持螯疑螭握鱸近  
蚶蜆可怪鼈脂垂  
生憎鱉尾龜所欲  
庶其魚又無取乾鱗

河豚昔最嗜  
恒用井華漉  
塵遠烹於庭  
血去抉其目  
刈楚然只冀務候湯  
火熟瓊乳

將西施但恨不盈勺  
誰能罷饑叔  
對此食指搖  
自從十年來  
不敢恣口腹  
醜毒安可懷  
災生慮薄祿  
斑魚乃具體  
秋深出

洄洑小大雖云殊一氣同化育其形亦彭亨其性齊忿惱此  
時釣魚師香餌素所畜籬籬三竹竿編薄坐跼伏垂綸勒且  
弱沉釣曲而復有時十數輩戢戢歸望麗安砧剖瓜刀汲水  
浮柿木於焉救中厨慎勿覆我鉢排泥剔其羽起肝淘以麴  
法使甘不噉瑩白類新沐和之以蟹胥其汁轉濃郁既異茲  
鑊鄒兼免愁慘黷因思膳夫經珍未窮水陸設鱠姜侯曾思  
鱸張翰獨俊味恥自饗有客至不速亟須問前村侑以酒一  
斛

題汪上舍讀書圖

朝看牧豕助邊儲暮見為郎擁傳車勸爾須拋兔園冊世間  
風漢乃耽書

山陰客舍題高布衣蓴鄉釣師圖二首

蛤蜊菰葉橫塘曲細雨斜風西塞山爭似蓴鄉好秋色輕舟  
容與水雲間

愛餐花港雞頭芡更采湘湖雉尾蓴踏浪綠流無不可只休  
驚起浣紗人

顧明府

培元

載酒邀觀三江閘

一舍三江閘輕舟度幾灣蕭疎何限樹平遠不多山小管聲  
聲急深杯戶戶豚賢侯有高興未許夕陽還

壽孟叟

最愛鑑湖好秋山百里青君家秋山下遠屋泉泠泠黃菊樹  
百本翠濤開幾餅玉顏長可駐不藉蕊珠經

贈牧上人

我客柘湖曲上人來叩關欲浮清淮浦直渡黃河灣霽雪亂

塔寺夕陽平坡山五茸春草綠一舸望南還

強圍赤奮若

萬年藤杖歌贈尤檢討

我有天台萬年藤持贈吳下遂初翁想當李明柏碩迹未到  
此藤久已生山中偶然拾自金庭宮攜歸曉夜但拂拭重之  
不異長生桐翁昔史館文最雄南狐東馬卓有前賢風即如  
詩篇也壓蕭范陸長城笑把偏師攻歐陽黃九柳秦七新詞  
往往傳歌童翁今歸來雙耳聰曆頭六十更二十顏貌却如  
四十同況有才子籍早通兼珍之膳潔且豐人生快意亦已  
足豈必入海求方蓬西堂日煖花滿櫳楊梅漸紫櫻桃紅翁  
來期我花下酌清晨扶杖葑門東繭紙戢戢抽詩筒看翁游  
覽興未窮水循練瀆山穹隆長松樹底芝草叢四方上下與

翁逐杖子杖子藉汝功

寄蘭溪葛廣文

飛菱挽粟各喧聞散吏何如葛稚川百斛金華新酒熟醉尋  
桐柏觀中眠

趙贊善以新詩題扇見懷賦答

儲端鎖院各收身同是承明放逐臣遠憶音塵千里月來尋  
鰕菜五湖春閒教花底安碁局笑比紅兒狎酒人縱說卜居  
猶未定幾曾憔悴等靈均

小作

益都趙執信

江村水樹澹秋煙不見幽人思悄然往接簪裾三殿側近  
聯蹤跡五湖前老為鶯脰漁翁長閒上鴟尾估客船各有  
彈文留日下他時誰作舊聞傳

蘇東坡詩集卷之六

五

雨過馮檢討葑水園四首

蘭成小園在東暫近游頻夾巷千花續編籬六枳勻葉低斜  
曳杖石礙曲勾身正值黃梅雨蹣跚著屐人

又見衡門改新看小閣添海榴橫濕戶楚雀近窺簾曲直分  
沙溜參差露塔尖重過轉瀟灑村郭意能

高柳微風末新荷驟雨中竹扉經歲別茶一尊同盡得齊  
民術何殊避俗翁莛田知可拓小舫後時通

我亦歸田夕開門近水灣縱移花百本并少屋三間對此增  
惆悵何緣數往還煩君暇相過看積一房山

仙游茅筆歌酬徐檢討

君不用鐵梳梳秋兔毫亦不用束青羊毛別搜凡材逞妙技  
八續虎僕非可曹吾聞仙游郭外山最高仙人九鯉雲中邀

紫鱗三百二十四白蝦蟆吠黃雞號口時懸厓忽題科斗字

是豈不律人操茅田深深野火燒未盡樵夫薨豎赤脚騰

曉熬拔茅連茹縛作將指節六寸之體兼頭尻桃枝竹罷火  
熨帖鹿角菜免膏煎熬誰與智者辨此物將毋九何一范授

以刻髓之蘆刀垂虹亭長嗜奇癖一牀載得還吳艚分我一  
管已足豪當其運腕大稱意筆頭公喜長堅牢人生知己隨

驅舫即事二首

破牕風雨濕書籤睡起明星忽在簷最喜蛛絲指竹尾牽牛  
花翠曉來添

秋老梧桐葉葉黃夜來風雨太顛狂分明子鳥牕深閉一片  
何緣隨筆牀

九月八日滄浪亭懷古二十四韻

滄浪有遺亭勝蹟今始到疎籬六枳楳小徑一僧導古牆  
 寺樓暗水接官漕怪石長差肩平林或妨帽因而詣北碕  
 歷見房奧石枰雖無存宋毛珣滄浪亭詩漕纓人去水空寒事屬明時欲問難日暮客歸園館閉鷺鷥飛上石碁盤自注子美故物惟石枰存草菴猶可造中丞我老友山水敦夙好於焉翦  
 榛芳復此濬潭隩暇日攜賓僚曾不擁牌燾春留露輞駐暑  
 便接羅倒畚田課耕稼浦禹志啄菹游觀民胥悅豈弟神所  
 勞湖州謫司馬賦才本雄而詩逼梅歐陽文亦師訓誥賢相  
 所館甥孔壬生嫉媚舉事偶不慎眾口逞狂譟故紙錢區區  
 乃誣名士盜茲事近千年識者尚憤懣哲人貴自勝林泉遂  
 遐蹈南陽招不去止用尺書報雜花修竹間風月任嘲傲斯  
 人洵可懷曠世我心悼竭來謁祠屋思以渚蘋芼落景溪橋

還商飈遠吹滂

九日宋中丞招集滄浪亭觀韓滉五牛圖復成二十

四韻

中丞埽亭館邀我百花洲遂度苑埽橋罷遠屈曲流緣溪尋  
 石磴九日升宗丘層層樓堞敞面面不黍稠編籬釘圓菊密  
 坐軒牕幽同調二三子清言答綢繆樂飲肯意豈必量觥  
 籌邦人許看客風帽盈牆頭移時官馬至畫卷載其尤示客  
 五牛圖真氣豁我眸晉公諳變理體物固能優郭椒丁櫟輩  
 飲降各自由宣和購遺蹟已訖不可求何期白石爛此圖翻  
 得留鷗波趙王孫重之若琳球再三跋卷尾小字工銀鈎畫  
 已經千春尚足藏千秋吾聞五穀言養民如養牛善牧臥其  
 背穩駕百斛舟驅使但排促安用施鞅韉味者費三筆剔剔



恒不休吾公務廉靜化理臻六州里仁知斯宅不處古所羞  
浙將歌碩鼠樂郊可遨遊

得張舍人 聖皖口書却寄

六年不見張右史忽誦秦游一卷詩韓孟元劉無定格尤蕭  
范陸有餘師歸逢灤鯽堆盤日到及江花夾岸時試計合并  
何地好須憑來鴈慰相思

寄賈黃州 鈔

近聞南紀賈黃州到日題詩滿竹樓畫水清香凝列戟月明  
赤壁愛停舟棘針花鳥真無敵水墨雲山不易求別後相思  
意何限可能尺幅寄輕郵

題禹鴻臚統國夫人下馬圖

貌出風姿勝太真無勞粉翠費千緡如何蘭內淋鈴雨不憶

當街下馬人

又題

當風帶緩舞衣寬無復宮門驟曉鞍一事差羸杜陵叟畫圖  
恣得近前看

乍浦

乍浦逼瀛壖孤城小於甕居民八九家僅以一飢凍邇來此  
海禁伐木運堂棟排空駕槽巢近水壓交封陶旒器本窳襦  
袖包匪貢偶然資貿遷是豈足民用因而估舶多僻地乃喧  
闐增竈遂成郭葺精巧幕空因隨郎罷載行歌雜囉噴我行  
湯山椒比丘治蔬供為言弘正間紺塔翔鐵鳳苦海迷津人  
遠望得無恐願乞長者文勝蹟復營綜我口默不言我心有  
餘痛昔者嘉靖中狡倭肆狂縱實贍寶相輪一針亂帆送幾

曾弓仗放但操兵刃弄離亂凡幾年室家始同夢坐起謝上人吾文未足重於時權舟還特為令長諷謂知縣事王君璋也此事不果行吾機偶先洞

題吳上舍菜根香圖

齊東老圃吾不如走馬却返長山居誓辭肥肉大酒社手握鶴頭鴉嘴鉏園官日日送菜把野客時時誇菊菹閒來插架散籤帙惟有秦餘種樹書

贈繆篆顧生

秦碑換棗木傳刻或失真詎若漢摹印小大皆可珍鑄金用撥蠟琢玉同運斤其文雖參差離合各有倫後人昧遺製惟取字畫勻鐘鼎雜款識古法漸以湮顧生習繆篆頗見精力勤博采諸家體隨見者多所欣一藝期至工必也醇乎醇請君

薄流俗專一師古人

題崔愨畫鳩

我愛臨濠崔子中輕綃畫出鸞鳩工枝頭淡染春晴色不著山花一點紅

漕船

國家歲轉漕每船六百石官艚計所儲為斛千二百其初由海運險越虎蛟脊波濤恒簸蕩日月互跳擲所以造舟時不復算尋尺入明改從河水次盡置驛不見真州估浮江販豆麥縮之僅得半滿載未為窄安用萬斛寬邪許百夫役過插逆上魚迎風退飛鷁臘開徂暑到久而蟲鼠昨惟以便輓丁夫婦得汎宅南去挾泉絲北來收果核誰為迂緩圖因循匪朝夕吾聞琴瑟敝絃者必更易國計在鼎司何時建良策

御風圖為魏坤題扇

渡海天王太崛奇出關老子苦驅馳未如披地乘風好萬里  
雲山恣所之

題蔡徵君方炳著書圖

先生忠孝門早歲力埋照逃名名愈隨祇綠筆舌妙中年中  
柴車起應鶴書名人多留蹕塵君乃返蓬藿立意在千秋肯  
貽北隴笑淵源訂伊雒圖書衍周邵其言明且清削繁領其  
要今已七十餘行不藉藜篠請觀息關圖鈎膝但坐嘯淙淙  
石罅泉丸丸松頂嶠山宜題六聘洞可亞三詔著書早晚成  
先以語同調

題李秀才琪枝畫梅

平生冷笑林君復活剝江為兩句詩畫到影疎香暗處始知

一字可稱師

贈王叟嶠二首

近來山水尚元人南渡諸公法漸淪惟有王郎嗜奇古將無  
馬遠是前身

畫家平遠最難工三板輕船片席風不數當年宋員外瀟湘  
煙雨滿圖中

張處士釣風圖

漁師解舍近西冷露葦風楊岸岸青我亦年來撐釣艇秋花  
却少研頭餅

青浦道中

不識三高士松門第幾峰潮回黃歇浦草滿陸機葑細雨春  
歸鴈深山日暮鐘坐看城郭近猶是水雲濃

五雜組九首

五雜組刺繡文往復還金車輪不得已見貴人  
 五雜組染布帛往復還度阡陌不得已逢熱客  
 五雜組神鬼面往復還翻飛燕不得已交情變  
 五雜組霜林葉往復還圍碁劫不得已零丁帖  
 五雜組鳳尾羅往復還機中梭不得已勞者歌  
 五雜組裳衣袴往復還錢刀布不得已付質庫  
 五雜組車中果往復還江上舸不得已杭城火  
 五雜組徐州土往復還真州估不得已宿淮浦  
 五雜組裝潢手往復還媒妁口不得已飲甘酒

曝書亭集卷第十七

曝書亭集卷第十八

秀水 朱彝尊 錫鬯

古今詩 十七

著雍攝提格

偕查孝廉入閩初發江干

清江自西來海水逆流合我帆挂東風遙指富春塔

自漁浦挂席至富陽二首

編郎唱櫂雨初消查慎行突起東風送客船百里晴山低似屋

彝尊一江新水健於潮舟之謂江暴漲時上不得得攜老伴無拘束慎行縱

是貧游未寂寥況有月波春蕩在彝尊隔船不乏酒人招慎

行

江山小船急浪衝彝尊疾若鷺鳥凌霜冬慎行灣環忽轉赤

亭岸尋尋俄頃不見南高峰慎行鱒魚出網白尾尾尋尋烏  
柏夾路青茸茸慎行井西道人畫不得尋尋暖翠浮嵐如此  
濃慎行

桐廬雨泊

桐江生薄寒急雨晚淋漓炊煙起山家化作雲覆屋居人寂  
無喧一氣沉嶺腹白鷺忽飛翻讓我沙際宿

七里瀨

七里瀨急鳴哀湍嚴陵於此留釣壇兩崖怪石青攢攢雨來  
欲上不得上竹篙撐過巖鷄灘

瀧中吟

瀧中行不知遠雨初消雲乍卷藥苗長蒲葉短一夫牽船九  
折坂纜逾急舟逾急

重暗飛泉處處來人家三三五居瀧裏半是樵夫半漁子又白  
魚捕烏鬼釣車釣輪滿沙嘴黃白花開照瀧水未必他鄉能  
有此瀧中吟子歌不足我八嗣音

晚次汝步乘月出蘭溪城下

松科萬樹落花天擘岸江風晚颭然直到蘭溪看明月浮橋  
不鎖待吟船

雨發東峰亭和杏孝廉

巖巖東峰亭其下百尺潭我來凡五泊未果游精藍茲晨復  
前路解纜亭西南溪雲散成雨水木紛參覃平生嬾馳騫進  
拙退所甘惟有利涉心翻較估客貪一帆飽風力並坐蓬底  
譚夫君有高唱令我歎白心三

水碓四十韻

水碓四十韻

百灘趨漸江昏且鳴不息一巽尊大波恣奔放小波迴汨渚查慎行  
居人擅水利審曲引使直一巽尊其長走蛟蛇其廣納溝減慎行  
過防激之怒徑隘流轉一巽尊夫豈水性然適來遭勢逼慎行  
于焉扼其吭壘石添檝一巽尊椽茅架小屋度地隨偃仄慎行  
斲木為巨輪當衝立樞極一巽尊旁安三十輻輻輳斤墨慎行  
龜文交兩兆鼈甲支九肋一巽尊括張等虞機璇運就園則慎行  
江心鏡欲躍海底月半蝕一巽尊減頂泗人騰升陟壯士踣慎行  
尻高首或下後湧前乃匿一巽尊團團牛旋磨匝匝鴉翻翼慎行  
棗軸貫中央有如著在劫一巽尊循環觸牙動揚者必先抑慎行  
石白質本頑甘為杵所賦一巽尊昂然馬騰槽俛若鶴啄食慎行  
砢砢應闕楨次第符漏刻一巽尊擣紙十萬箋取木三百億慎行  
糠秕除未盡藤竹需孔急一巽尊一為機事牽焉得休汝力慎行

先王昔制器取象配卦德一巽尊舟楫涉大川耒耜徂畛域慎行  
養生務佃漁分壤別動植一巽尊鄰歌荅春相作苦爰稼穡慎行  
俾習四體勤羣黎無懈忒一巽尊後世技巧繁淫奇難忖測慎行  
桔槔輓轆作便利成典式一巽尊紛紛鑿鑿渾沌一一逞胸臆慎行  
能令蠢者靈通者忽以塞一巽尊即此水確論用意略可識慎行  
居然役造化安坐無怵色一巽尊乃知天生民若苗之有騰慎行  
夜來山雨驟超漲漫澤國一巽尊沙崩岸漂沉有械施不得慎行  
物成久則毀茲理復何惑一巽尊逸豫安可貪民勞宜率職慎行

箕步

夫鄧州二十里地產竹

江臯有筮步地似果園坊漸遠魚鱉市真成橘柚鄉株株當  
暑綠顆顆入秋黃翰與村夫子經冬自在嘗

常山山行

纂書直子集卷十八

常山玉山相去百里許山行十人九商賈肩輿步擔走不休  
四月溫風汗如雨勸客何不安坐湖口船船容萬斛穩畫眠  
荅云此間苦亦樂且免關吏橫索錢

入舟

水窮甫登山山盡復入舟漸老惜筋力得安且同偷查慎行初  
于船五尺狹三槳劃兩頭來朝放溜去勝坐青竹兜尋尊

沙谿舖紀所見

十丈椽繩夜截截流朝來漁子掌中收不知方法何從得三寸

白魚齋上鈎

玉山村人漁數十鈎於榜經  
之上曉起收之鈎必有魚

自焦石塘抵鉛山河口兩岸石山嶮劣上無寸土尺

木查孝廉作詩嘲之賦以解嘲

鉛山山肩排一一赴湖口鷗圖象覆釜巨石堅不剖躋攀斷

僧蹊左右絕林藪豈惟質鈍悶兼亦狀龐醜畫師皴法窮相  
對俱束手道書紀名山藏之大小西每因洞壑深必使列仙  
守茲為百靈棄動植無一有乃知造化心下視等芻狗宜取  
見者憎獻嘲自我友吾試為解嘲賦形良亦偶美石多自殘  
斧斤或先受高者礮作碑下者窪作臼汝以頑得全庸庸福  
反厚喻物材不材此理本莊叟

鉛山城中有古樟三每歲四月白鷺來巢其間伏雛  
乃去亦一異也

縣樓高樹半空腔宿鷺飛來什佰雙說與画師翻舊譜不須  
橫幅寫秋江

發鉛山

昨憎山石鈍今愛山石靈譬若漢宮女去尹來者邢譬若秦

地水汲涓汰者漚何期百里內巒壑殊姿形古樟百圍綠幽  
桂十丈青東西喚野渡長短羅溪亭云云鳥下水浴鳥梳其  
翎人語山響蒼忽焉頌清冷巖花名莫辨一一抽釵葶我欲  
躡飛梁深入紫翠屏僕夫不解事舍車邑外期前途定勝  
絕明發宜侵星

紫溪道中二首

筍皮蓋屋類團焦留客依然酒滿瓢只恐夜來風雨至杖藜  
扶過紫溪橋  
新添十畝種荷田也向山根吐細泉料得村娃無懼曲秋來  
不用采香船

度紫溪嶺

征夫就炊煙我亦治草具一飯免飢劬亭午復前路隔溪辨

微徑千年樹根渡不知身漸高下視千年樹我行方齋心我  
僕已窘步登頓力苦疲巖椒且小駐開襟納涼風植杖一反  
顧却指來處村茫茫墮雲霧

車盤驛題逆旅主人壁

曲澗層層響叢篁个个齊前山行更好不信鷓鴣啼

觀造竹紙五十韻

信州入建州篁竹冗於篠籜尊居人取作紙用禪不用老查慎行  
遑惜簫笛材緣坡一例倒籜尊束縛沉清淵殺青特存縞慎行  
五行遞相賊伐性力揉矯籜尊出諸鼎鑊中復受杵臼擣慎行  
不辭身糜爛素質終自保籜尊汲井加法淘盈箱費旋攪慎行  
層層細簾揭皎皎活火煨籜尊舍麈乃得精去濕忽就燥慎行  
擘來風舒舒暴之日杲杲籜尊若籠走南北適用各言好慎行



緬維邃古初書契始蒼皞彝尊自從史記煩方策布豈錫慎行  
 中經祖龍燔孰敢撲原燎彝尊漆簡及卓編殘灰跡同埽慎行  
 當時禍得脫賴爾生不早彝尊漢代崇師儒家各一經抱慎行  
 截緝蒲柳姿刀削詎云巧彝尊如何剞物智乃出寺人造慎行  
 麻頭魚網布棄物收豈少彝尊後來逾爭奇新製越意表慎行  
 山苗割藤芡水滌采苔藻彝尊桑根芥以斯蠶繭機不絞慎行  
 澄心光緻鏡面波晶晶彝尊研宜金粉膏繪作龍鸞爪慎行  
 桃花注輕紅松花染深縹彝尊鴉青密香色一一隨浣澡慎行  
 十樣益部箋萬番傳癖彙彝尊紛然輸館閣逃矣來海島慎行  
 要為日用需若黍稷梁稻彝尊惜哉俗暴殄塗抹太草草慎行  
 俗詩畫蠅鳴俗書蛇蚓繞彝尊俗學調必俳俗文說多勦慎行  
 流傳人有集刷印方未了彝尊積穢堆土苴餘殃毒黎黎慎行

或汙瓜牛涎或供蠹魚飽彝尊或為肉馬踏或被飢鼠齧慎行  
 黏牕信兒童覆瓿付翁媪彝尊遭逢幸不幸所繫豈纖杪慎行  
 平生嗜奇古卷帙事研討彝尊祕笈及藉爾鈔管贏金匪我寶慎行  
 響榻潮籀斯斷碑拓洪趙彝尊提攜白刺史著錄庶可考慎行  
 由拳法失傳將樂槽苦小彝尊楚產肌理疎晉產膏澤槁慎行  
 物情相倍蓰美惡心洞曉彝尊非無雲霞感愛此霜雪皎慎行  
 小疊製帖平捆載赴達道彝尊預恐壓歸裝又滋征榷擾慎行

烏石村

烏石村深一水灣家家吠蛤閉柴關此時惜少洋州筆恣寫  
 風篁十里山

分水關

關門一道石參差三戶人家兩戍旗此去都籃休便棄頭綱

正及貢茶時

崇安孔明府招飲縣齋池上賦贈二首

宛轉橋當戶玲瓏竹引泉官齋如此少地主況能賢白鳥巢  
琴閣紅鱗動酒船盡驅胥史往清話得纏絲

一縣皆山水尤奇是幔亭從君乞小艇導我入迴汀羽蛻黃  
心木苔皴白石銘遺文當不少歸日補圖經

武夷沖祐宮

武夷君異哉世所傳或云錢鏐之二子或云是魏王子騫當  
時結侶高宴幔亭前此挹衣袖彼拍肩坎鈴鼓急管絃賓雲  
妙曲左右仙一從彩雲散虹橋斷絕上無緣琳宮建何時傳  
是天寶年後王因之禱水旱金龍玉簡投深淵我來謁祠下  
取徑芝朮田入門高樹雄且妍藤蔓曲似蛟龍纏殿古石罅

仙鼠穿陳丹暗粉蝸吐涎十二粟主配君像中間名字或已  
湮乾魚祭後祀典歇但有村翁臘臘率社錢縛草爲輪翦紙  
爲船不知仙人倏而來予忽而逝雲車風馬電作鞭胡用是  
物東西懸長廊曲曲通迴旋旁有道士館房房戶戶相錯連  
甘蕉綠搖漾修竹青便娟竹雞聲中摘茶葉石榴樹底交茶  
煙吾思此地洵勝絕道書名之曰洞天阿誰屈置一十六何  
山可以居其先昔年禹平水土名山川至今岳瀆垂虞編不  
聞議者糾其偏若茲次第逞胸臆毋乃僞託非真詮試質武  
夷君吾言然不然

宿虞道士山房

老樹藏雲壑閒房割洞天茶烘丹竈火鹿飲鑑池泉藥酒供  
人醉繩牀借客眠山深風候早四月已聞蟬

慢亭

白石留遺板紅雲失舊裯要知慢亭會亦是避秦人

坐竹簞入九曲

連峰六六收蒼靄查慎行兩餘滑達碎石街尋尊挈我栗杖  
梭毛鞵慎行蘭湯渡口上竹簞尋尊篙工指點一曲涯慎行題  
名幾處爭磨崖尋尊娉婷玉女峰最佳慎行野花簇鬆松  
搖釵尋尊當年武夷集神媧慎行歌絃鼓板金管鑼尋尊高  
張雅奏無淫哇慎行子禽小娥定爾儕尋尊羣仙一散後會乖  
慎行黃心老木委蛇蕤尋尊爾獨對鏡留形骸慎行千尋鐵障  
鎔頑錯尋尊大藏小藏肩背挨慎行山魃一脚帝所差尋尊洞  
門石扇呀然闕慎行壑舟力負何勗勗尋尊其中瑰木如積  
稽慎行又類羽鏃抽鞞鞞尋尊水光泱泱聲潏潏慎行冥冥微

徑不可階尋尊欲往金井迷鬼艾慎行深潭龍臥波滾滾尋尊  
誰歟釣者貪鮪鮪慎行茶園新芽茁舊茗尋尊僧籃道笈采  
摘皆慎行可惜不逢紅粉娃尋尊題詩古巖平不欬慎行精廬  
小於負殼蝸尋尊豈若大隱屏之厓慎行祠宇百世人模楷  
尋尊大書照耀銀泥牌慎行學達性天 聖德諧尋尊屹然  
天柱高歲裏慎行勢如拱揖趨庭堦尋尊須臾路迴仙掌排  
慎行神臯下上車鞅鞅尋尊竹窠桃澗雜樹槐慎行龜浮獺  
控形膠催尋尊白雲奔前雙眼揩慎行俯視九曲滌青網尋尊  
星村村落尤可懷慎行新苗活水通荆柴尋尊穀犬跳聒雞  
膠啣慎行況無蛇虎獲獠豺尋尊何時買地營茅齋慎行耕  
耜漁弋與子偕尋尊

虹橋板歌

板為崇安潘秀才在東所贈

虹橋板可望不可即絕壁深藏太古色日炙不黃雨淋不黑  
洪流不漂土不蝕百蟲將軍焚不得吾欲梯長林梢恐墮鶴  
鶴巢吾欲駕澄潭劫恐拔千歲蛟鼉繩倒懸蝙蝠墜惟有怪  
鳥獨立時爬抓潘郎嗜奇每置青玉案鋸贈一條長尺半爲  
言曩者避兵接筍峰一夕急雨飛寒空雨狂更起擲鷓風虹  
橋板自天半落斜拖下壓黃冠宮爾時青童白叟悚息不出  
一亟持此板歸山中吾聞茲言吁可怪石泐金銷此不壞既  
非桐與檀又非榿楠杞梓楓豫章穀紋水波蹙中央沈思是  
物豈無用何況獲自仙居洵堪重當時宣和好古祕殿無爾  
曹吾今藏棄足以豪試令刻作黃神越章印山行蛇虎應潛  
逃

仙蛻巖

魚家姊妹趙家兒雜坐歌師閒板師莫唱人間可哀曲山阿  
遺蛻也堪悲

御茶園歌

御茶園在武夷第四曲元於此煎焙局安茶槽五亭參差一  
井冽中央臺殿結構牢每當啓蟄百夫山下喊事見武夷志樅金  
伐鼓聲喧嘈歲簽二百五十戶須知一路皆驛騷山靈丁此  
亦太苦又豈有意貪牲醪封題貢入紫檀殿角盤櫻枕怯薛  
操小團硬餅擣爲雪牛潼馬乳傾成膏君臣第取一時快詎  
知山農摘此田不毛先春一聞省帖下樵丁蕘豎紛逋逃入  
明官場始盡革厚利特許民搜掬殘碑斷白滿林麓西臯茅  
屋連東臯自來物性各有殊佳者必先占地高雲窩竹窠擅  
絕品其居大抵皆巖壑茲園卑下乃在隈安得奇茗生周遭

但令廢置無足惜留待過客閒游遨古人試茶味方法椎鈴  
羅磨何其勞誤疑爽味碾乃出真氣已耗若醴舖其糟沙溪  
松黃建蠟面楚蜀投以薑鹽熬雜之沉腦尤可憾陸羽見此  
笑且咷前丁後蔡雖著錄未免得失存譏褒我今攜鎗石上  
坐箬籠一一解繩緇冰芽雨甲忒品第務與粟粒分錙毫

仙掌峰瀑布

仰瞻兮山陘懸瀑布兮翠屏忽循兮山後泉涓涓兮鳴石竇  
石竇兮中開激衝風兮車轉歷一丘兮一憩忘吾道兮遭迴首  
蒲葅兮烏麻飯青松陰兮白日緩思移家兮駐顏年七十兮  
未晚

天游觀萬峰亭

大山相排連小山補其闕羣峰罕異向危亭乃孤揭適當地  
敞閒不在勢突兀虛明徹戶牖豁達埽煙焯湯空激颺輪照  
夜湧日軌有時霧著巾忽焉雲觸韞憑欄恣眺聽靈境信超  
越儼同喬嶽尊遠邇盡朝謁紛紛揚旌旆穆穆秉圭笏又疑  
三海圖神物互出沒足或蹠夔臚背或負蛭蟹前平訝象耕  
後陷類狐搢隱屏翳而張接筍斷不蹶長松偃薺菜細竹披  
苗髮溪流乍隱見祠屋半彫歇巋然此獨存坐久興逾發雖  
云冠山椒何異在巖窟石房一道士清癯老鶴骨延我崎嶇  
丘靜埽苔徑滑苦無青精飯力為煮葵蕨高田歲未荒四月  
草先岱分種及胡麻安碓響深樾相對生隱心欲歸恨倉卒  
何當裹餼糧留住一百月

樟灘

建溪饒驚深樟灘最巉險顛波勢欲下亂石故磨颯窪坳碾

作渴刻露圭就琰我衰憂患多過此容色斂篙師凝睛立尺  
水巧迴閃鏗然矢投壺狎恰不誤點輕舟恣一擲縱若鳥脫  
罨以茲推物理遇境適夷險人或發禍機忌者思盡掩揚瀾  
沸平地鑿空架崖厂由來人背噂未必鬼神貶濟盈軌易濡  
忠信幸無忝習坎入坎凶既出夫何玷浮海桴可乘舟楫況  
剡剡

建陽

徽公舊是建陽居竹樹清疎畫不如講席至今留未改人情  
大抵好相於得觀雲谷山頭水恣讀麻沙里下書此意殘年  
仍莫遂扁舟欲去轉躊躇

延平晚宿

兩兩浮橋趁浦斜居人分占白鷗沙瓜瓢豆莢迎船賣只欠

南鄉澤瀉花

建寧產澤瀉花可取昨  
過未及買南鄉橋名

雨中過黯淡灘

灘光黯淡雨連坑一笑船師勸客行三疊跳波兩搖手櫂歌  
十里下延平

水口

岸闊灘平漾白沙船人出險鼓停撾爲貪放溜風頭坐不覺  
蜻蜓上槳牙

竹崎關

溪漁樹底輸稅關吏津頭算緡縱有僧樓藥院日長吟眺何  
人

食荔支寄查上舍弟

別標

時在秦守

荔子漿酸價未高風前試解絳羅袍當筵忽憶西征客馬乳

涼州也自豪

噉福州荔

噉荔如噉蔗佳境須漸入必待藍紅江綠熟始嘗何異渴人  
禁之飲米汁粵洲火山四月丹也勝盧橘楊梅酸我來福州  
日北至投我只合齊堆盤端明譜中三十有二品大槩綃衣  
雪作衽粵人誇粵閩誇閩次第胸中我能審

林叟 偉 攜二子載酒過

釀比官醪釀者看水族分老年思舊雨深話到斜曛契獨存  
僑札交須合紀羣不妨留秉燭作賦共誅蟲

甘泉漢瓦歌為候官林 侗賦

西京無書家但有急就凡將篇其後闕里關乃得五鳳二年  
甄滕公石室閉已久文體偶詭乖自然芝英鶴頭書歲遠俱

沉堙孰能抉淵奧冥索崔張先候官林侗姘蒼雅袖中忽出  
甘泉瓦長生未央字當中逸態橫生恣塗寫定州漢廟不足  
珍銅雀香姜盡流亞吾聞甘泉本是祖龍之所遺武帝因而  
恢拓之非無 延壽字今已蕩盡蠲錙釐金銅仙人去渭

水椽桷自毀化作龍鱗而當知是瓦定有鬼神護不然安得  
團圓如鏡勿使纖毫虧伊誰擅此隸法古毋乃史邈丞相斯  
下至元封人物能爾為侗也耽奇莫與並手搨硬黃墨一挺  
裝池作冊索客題重之不異焦山鼎吾生亦好金石文南踰  
五嶺西三雲手披叢篁斬榛棘殘碑斷碣搜秋墳攜歸蓬屋  
少香芸壁魚散走飢鼠噉蟲涎粉蛀徒紛紛侗子侗子真好  
事殿闕遺墟靡不至短衣匹馬尋昭陵陪葬諸臣表銜位旁  
及降王一十四右先咄咄左什茲殿以那順范頭利舊史缺

漏新史刪伺也為之考其次試入儲藏蘭話堂長物何論  
一筭君家嚴君政不苛至今秦地猶謳歌年過八十尚健飯  
丹砂不餌朱顏酖兼珍之養樂事多長生瓦兆本為此請君  
一日二摩挲

長慶寺噉荔支二首

長慶古僧寺獨公新道場重來疑夢寐六月轉清涼老喻苦

瓜苦晏客廣州訪獨禪師於海幢寺餓進苦瓜于不食師言居士少年不耐苦也渴思香荔香七星空

有井不用汲寒漿

魚網船船漉十人伐荔子木浸水以漉魚網樵柯歲歲殘連根移上苑重馬走

麗官再至雙林少寺中荔子舊有五他時一飽難山僧會客意

臨別更堆盤

又聯句

熱客辭三伏精廬訪一龕園開小暑後徑盡側生南鼻尊僧

臘嗟頻改禪房亦舊諳茶瓜宜屏却梯閣緩登探石門吳震方物題

劇喜青猿捷先除石貝貪荔靈也層層堆玉案各各滿筠籃

慎行露比三霄冷漿同十酒甘倒囊元止渴勿藥定祛痰鼻尊

譜就全勝畫評時恣倚擔瀘川知不敵珠海較無慚震方鎔蠟

思封帶磨鉛欲代甌戴歸鄉曲好終賽一筒柑慎行

汪學使蘇餉楓亭荔

香荔誇奇絕楓亭古驛中色雖殊挂綠品已壓輕紅一種生

偏側千房味不同重煩故人意分減及衰翁

林封君招飲榕菴

細泉危石響崢嶸避暑筵開接款顏祖竹枝多供客借佛桑

花放許吾攀入門愛坐千年樹對酒平臨一朵山珍重主人



投轄意留看七塔夜燈還

龔運使招飲園亭

烏衣子弟列通官逸興東山老謝安六月開筵花事好百分  
勸客酒杯寬閒輸沼上儵魚樂醉任堦前海鶴看已是晚涼  
收羽扇更排高棟俯層欄

飲張舍人齋

門才風貌阮何間官簿重題右史班三伏尚能留客坐一瓶  
相勸借書還濃陰古壁垂歎蔓驟雨新苔滑小山我醉已拚  
逃席去更煩香甕出屏彎

江瑶柱

異味傳方域嘉名注食經連江誰布網獨漉忽登鉶遞白三  
速風來五月腥羚羊羸見角蠟螺斂同形銳比盆葩鋪圓

同鈿帶鞞粵呼為角帶子探腸先去甲刮膜止存丁淨洗膏猶沃新

烹火莫停冰檐初挂鐸雪菌乍抽釘白嚼河豚乳紅餐荔子  
聽誰言分鼎足試倚龜觚聽

閩中海物雜詠七首

西施舌一名沙蛤俗呼西施舌

吳人輸一錢思覩西子頰何如得網中宵分齧其舌

香螺

鰾魚雖言美祇供漢賊餐皆操俱詎若香螺潔日上先生盤

蜆閩小記一名蜆

綠蒲包海蜆味勝蟹膏滑一笑過江人嘔心為蜆蚶

鱖魚腹下有十二足雌雄常相負取之輒作雙

尾插茨菇葉臍攢螳蟹箱南庖驚束手非止北人嫌

花蛤

略識味似螯寧知化非雀誰加水族恩特與繡衣著

黃螺

肉縮等蝸角涎腥過蠟房憐渠一破殼也有九迴腸

珠蚶

海物多充庖珠蚶亦配酒取禍自有胎不在深閉口

題讓竹亭修禊圖卷

今年禊飲負花時讓竹亭前到恨遲比似永和應更勝坐無一客不成詩

飲陳孝廉

學洙

烏石山房

旅館苦毒熱若鳥困樊篔忽聆折簡招柅車道山阿此身離焦冰雪投岷峩主人頗善病賓至移藥籬預儲楚筍鞵易

客深雍讎巖壑不在僻位置因坡陀層欄萬井上三面雲遮羅俄看魚鱗收一峰青一螺日永風舒舒卷幔吹漸多亭幽倚翠壁曲磴交荆莎涓涓細泉流攬石注陽坡誰滋徑寸泥乃吐雙莖荷木桃綴華實扶荔撈鮮波瀏覽隨所欣樂飲日已趁既無形骸拘且免監史苛杯闌見題句小陸此寤歌髣髴書策存陳子出雅坪之門豈刃心輕亞磨吾鄙物外心從茲數娑拖肯於三伏時禮法繩愆訛作詩繼小陸觀者任諧訶

題汪方伯小像三首

澎湖小別五年餘消息頻傳過嶺書一笑相逢還看畫故人瀟灑只如初

薇堂綉子出花前野老來逢湯餅筵料得牽衣添阿囝肯容郎罷賦林泉

乳毛五鬣拂龍鱗瘦石多成雨點彼此景并為君占取更留  
何地屬閒人

壽山石歌

無諸城北山青嶺近郊一舍無楓杉中間韞石美如玉南渡  
以後長封緘方輿勝覽於福州土產首載壽山石是誰巧搢蛙蚓窟中田忽發蛟  
龍函剖之斑璘具五色他山之石皆卑凡我昔南游翫塘市  
對此不覺潛吟歎是時楊老善雕琢楊字玉璿紐壓羊馬鑿麕麕  
兼金易置白藤笈不使花乳求休攬今來賈索尚三倍未免  
瑕漬同梅黓其初產自稷下里後乃深入芙蓉巖菁華已竭  
采未歇惜也大洞成空嵌非無桃紅艾葉綠安得好手來鐫  
劖桂孫見之不忍釋裹以黃葛白蕉衫伏波車中載蕙苾徒  
令味者生譏讒況今關吏猛于虎江漲橋近須抽帆已忍輸

錢為頑石慎勿輕露條冰銜

近兄朝士過關者苛索必數倍

高斯億為余畫竹以三絕句報之

故人有才子

斯億為老友雲客之子

為我埽叢筠長帽眉山老看來足

亂真

細似楊无咎疎於顧定之清風愛相對赤日最高時  
舊種南垞竹園中勝百分歸裝無長物得此即封君

以蜜漬生荔支戲成一律

省得紅塵一騎忙輕郵試驗指迷方亟教爐火煎鉛液更犯  
巢蜂割蜜房沃水預愁擔僕困開筵試共酒人嘗到家翻惹  
兒童笑那不圓籠寄海航

曝書亭集卷第十八

曝真

姑入育木下

雲客之十

為海山雲從頭山生香來五

高

洪武

為余畫以三

疑為真

不謂心

野靈紅水

香昔素必燒

曝書亭集卷第十九

秀水 朱彝尊 錫鬯

古今詩十八

屠維單闕

羅浮蝴蝶歌

爾雅釋蟲名蝴蝶置不錄之蟲豈無知小大各有族小者撻  
末產江東大者乃在朱明曜真之天巖洞中當其物化初天  
與形不同蠻雲華首紫海日搏桑紅游禽五色詎敢啄滿身  
香霧花濛濛仙之人兮拍手笑愛爾翩翩特娟妙或云葛翁  
衣或云麻姑裙二者傳說徒紛紛入秋倦飛絲乍罨葉底風  
搖滿山繭垂虹亭長手拄即栗條去年踰嶺尋鐵橋歸來雪  
灘纔卸馱分我蝶繭剛一箇留之十旬鳳子生曲腰短足相

塘撐豎雙眉張兩翅輕於吳綃薄於紙對神光之陸離駭賦  
質之倜詭我思此蝶放之四百三十二峰前餐英嚼蕊恣歡  
妍何難大似車輪然我今縱之出簾柙可惜不諳飼花法雲  
母扇丹霞衣嗟爾萬里安得歸文章枉使負奇色不及灰黃  
粉墨野蛾高下東西飛

又近體四首

攜來柏葉綴莎蟲蝶蘭多懸物候初溫五月風蝶以五月么鳳朔破繭出

忽然看倒挂仙蠶深恨不同功粉香弄玉勻塗後裙色麻姑

想像中離合神光終莫定畫圖誰信小滕工蛺蝶圖滕王元

藤笈初開且試飛漿牙牆角見應稀輕狂忍把霜紈撲愛惜

須加繡幕圍萬里風花香入夢六朝金粉畫成衣吳娘正要

湘裙樣分付流黃第一機宋樂府有九張機自一至九

籬邊野外舞春駒認得羅浮種獨殊眾裏自應呼鳳子生來

只解抱花鬢鉛華水淨分初日金縷衣輕颺五銖比似吳人

看西子未貪市上一錢輸孟子疏西施至吳市觀者各輸錢一文

猶記歸裝嶺外齋炎天二月展金泥衰年再見真難得異物

初生也不齊偶落人間休悵望但留花底莫東西寄聲為報

垂虹長好配新蛾與並栖虹亭筍中尚存三繭

題瞻園舊雨圖二首

壯年蹤跡任西東老去諸餘念漸空醉地至今猶戀惜大功

坊底小園中

花南孔雀翠屏張共倚新聲八寶裝誰向井邊歌舊曲淳熙

半隸幾斜陽園有井闌刻淳熙年字

長水曉行

月暗千重樹風微一葉舟殘星高太白重露滴牽牛菽乳新  
漿熟魚標小市收不知葭莢岸吠蛤爾何求

荷花

梁間巢燕幾曾來竈下狸奴去不回猶有荷花憐舊雨年年  
一為主人開

七月八日張孝廉大受招高上舍不審載酒過百花

洲索予父子吟橐率賦

七夕已過猶蘊蒸厨船遠發太湖棧攜來瓜果嚼復嚼盡此  
壺餐能不能舊日詩篇忘甲子老年書法誤丁朋煩君并向  
狂兒索病劇知渠起未曾

李高士延昱墓下作

慷慨松江別淒涼桂水還擔花嘗郭外賣藥遍人間野史何

由續遺書尚未刪空餘懷舊淚一灑柘湖灣

十月二十一日喪子老友梅君文鼎歸自閩中扁舟

過慰攜別後所著書見示部帙甚富余亦以經義考  
相質并出亡兒撫韻遺橐觀之成詩百韻次日送之

還宣城兼寄孝廉庚

老夫初失子痛若遭鞭刑騷騷理喪具裂布帷兩楹本為共  
命鳥卒然翦其翎天乎獨何罪此禍丁我躬切如弘有叟褐裘  
來扶杖叩我局袖中出誄辭書之鵠紋綾旣以悼逝者且用  
慰顏齡申言賢聖厄難免造化憎西河授詩義不聞子在甕  
尼父成春秋不聞鯉趨庭遺恨古則爾所以尚達生叟言我  
瞿然旋收淚一斗延之西牕坐試話睽離情與叟別八霜蹤  
跡如蓬萍或淹津門居或栖皖口城北書鴈翻蒼南書魚尾

頴茲從閩江至始獲遂合并青援長五尺一祇書手拾持籌  
計長歷制器窺圓靈削木驗日晷繪圖準方程我思古帝治  
七政齊璣衡下及周女士咸知列宿名束楚抱衾稠觀象乃  
宵征畢雨箕風揚武人解辨形後世祕其術張眼同晦盲瑣  
瑣靈臺郎曷能測穹冥下學理帖括怠棄夏小正百翻兔園  
冊是致公孤卿昏昏軫蓋中莫辨一點星居然燮陰陽上應  
中台明三才昧其一庶績何由凝叟書析微茫該洽純粹精  
惜乎時不用歲月老筮簪我亦志述作緬懷三代英流俗是  
末師立心壞先型埽除詩書序區別義文經客或立異義黨  
附紛譏評恨不漢晉儒驅納咸陽坑以茲經義發勦說徒相  
承於焉考史籍旁綜墓碑銘下及稗官說也復掇華菁百川  
趨四瀆導之入滄溟百穀播三農穫之聚坻京先民可不死

身後留名稱書成五鳳子來集軒牕櫺蓮有並蒂實蘭有同  
心莖按之瑞應圖僉謂斯祥禎況記洗兒初熱湯盆中盛有  
文在其背曰壽似可徵云何凶短折我心滋不平兒兮洵聰  
慧閭鄙誇寧馨九齡善學書楷法工撥鐙十五嫺詞賦下筆  
人皆驚視不眩邪色聽不惑姦聲清心薄嗜慾生產絕勿營  
性亦勤著書席研希留傳請看所排韻力欲闢榛芳涼花帶  
風露哀玉明瓏玲又如食俊味盡洗官庖腥比於回溪諷獵  
史尤縱橫宋日鄉人錢謝  
纂河溪史韻憶當病少間黏紙連門屏儲書八萬  
卷剔蠹捐乾螢陳言委時夫秀句羅元競良由深意苦甘使  
定命傾先猶木支履俄而瘦脫餅恒幹不久留所惜目未瞑  
吾家太傅公清德踰冰凌王父守滇郡得歸賴贈行先祖知  
楚雄府  
事聞曾祖妣何太夫人計奪喪葬  
無貲錢巡按御史贈行乃得歸先人失舊業恥為塵垢櫻負郭

無遺田八口一豆羹雖嘗役婢僕五世罷笞榜人言積善家降  
殃顧匪輕念此腸九迴孤憤氣填膺俗傳老婦祭不修禍所  
嬰我貧無黃羊何以媚竈陘或者童男女讒口上告天他經切竈  
神有銅董又聞道士言夜必守三彭我嬾動堅臥尸蟲釋拘  
囚或者請于帝奪我才子年切京魂筮掌巫陽鬼律著女青  
寧期意所嚮務俾才者懲將無太山錄明神未式憑第假鬼  
伯權好惡初無恒修短雖有定我心終怛怛叟也驗歷數消  
息可立成試爲窮九厄因之推八紘山何戴斷鼇地何震死  
鯨楓何以膠折粟何以芽萌莫萊何以落桐葉何以增律何  
吹黍轉鐘何應霜鳴此何亡也忽彼何勃焉興鄰里皆多男  
我何獨孤惻叟宜指我迷喚我夢魘醒答云萬品殊二氣互  
陶蒸舒慘物不齊五曹算未能呼童開瓷甌飲叟酒一觥冬

春煮糲飯寒燭燒短檠卓午詎忍去徘徊曝書亭吳船闕三  
板送之還宛陵我詩儻垂和兼語猶子庚

怪鴟行

曩時怪鴟吟嘯池上柳喪我南村詩人李十九五年不聞汝  
惡聲東鄰西舍賀太平今秋胡然忽而至見之不異眼中刺  
吾家阿鏐衾枕間歎息鴟來命將逝初猶遠林深處夜半鳴  
既乃橫飛不待日晦盲搖頭鼓翼坐屋角後咷先笑窺檐楹  
始知是物本爲鬼伯使如侯導虎山蹊行訓狐賊人梟食母  
汝與同輩尤陰獰喚人魂魄亦何苦況釋善者戕其生嗚呼  
吾子今死矣欲不遷怒及汝非人情聞之周官建有庭氏翼  
氏摭蒺氏射以救日之弓救月矢必覆其巢攻其翅先王有  
害務盡除豈若今人昧茲理吾將斷竹續竹彈以丸毋俾惡



鳥來林端月辰二六星四七方書去汝夫何難

除日二首

感念亡兒苦難收淚兩行夢中猶定雀歲抄益淒涼秃筆堪  
成家遺書尚滿牀多情酒壚伴作賦比山陽

上舍顧仲清歲三交  
學金介復後民戴錢

淑章李宣景  
源俱有輓章

典祀先人臘蕭然魚菽存薦時煩寡婦拜後止童孫老分歡  
娛少間將甲子論知無頌花客未暝園蓬門

上章執徐

送窮日作

吾家五窮鬼四世推不去今晨縛車船送往河隄住水萍風  
中絮散作千百身勿使天壤間乃有石季倫

君平遺鏡歌為家上舍思贊賦

古銅一片漢所治冷光溶漾符月儀其背有文繚繞之由中  
及外皆銘詩文或中斷字橫施讀之百過猶聒唳聲牙齟齬  
摧髯而良久始獲通其辭乃是君平之所持惜乎未覩書年  
支成都卜肆新雨時若榴花分槎上枝手挽織女機中絲以  
之自鑿鸞鶴姿軸簾布卦營神著百錢挂杖足自怡酒家戶  
戶招青旗從游弟子侯芭師暇日長定看相隨識此奇字當  
解頤千年土蝕苔髮鬚繡成碧綠丹黃緇阿誰磨刮無纖疵  
吾宗子仲性愛奇裹以重錦導長綏大笑俗尚蟠蛟螭開奩  
一照冰雪肌木魅却走山精馳吾聞仙人鏡四規激心定志  
有所思方來之事罔弗知是物度亦神所司慎莫使近粉漿  
腴華山精舍春日遲長廊急溜鳴堦墀落梅滿地藥甲滋主  
人勸飲墨玉卮相與考古恣遨嬉古來金石各有宜其人足

往文在茲金尤易鑠質易虧昔賢嗜好情不移錢志小大印  
官私家有款識宋傳貽七鐘九白廿鼎彝鐙槃刀尺別等差  
何哉鏡銘獨見遺嘯堂舊篆曾取斯挂一漏百人交嗤吾今  
對此興不衰思搨繭紙研隄糜亟令巧匠為裝池鏡兮鏡子  
爾勿悲神物遇合信有期

春日南垞雜詩七首

入春風雨太連絲著屐扶筇越陌阡鄉里兒童莫嘲笑已過  
七十杖朝年七十杖于朝本祭義  
睡起三商未覺遲春衣盡典謾嗟咨諸公袞袞黃河岸正值

桃花水上時

十年手種池南樹今歲纔分花白紅尚有舊游三叟在謂修詠鄭  
朝錢不知更醉幾春風

舍外青鳩解喚晴籬根玉版漸抽萌無兒可遣修雞柵客至  
生憎腦膊鳴

瓜頭水綠樹根流早有活東池上游只少故人攜酒盃醉來

新月送行舟懷徐上舍

社公小雨不黏沙瞥見迎風燕子斜料是東家巢已定但來

花底啄芹芽

移種盆松六尺強欲當車蓋蔽斜陽不知黛色成陰日此地

何人結草堂

巡撫宋公以新雕蘇詩施注見貽賦謝

元祐罪人編年詩東坡自寫背画像題曰元祐罪人誰其注者施元之中丞訪

得嘉泰本上客為補由儀辭梅谿舊箋付醬甌傳穉遺楷傳

漕司嘉泰本刻之淮東倉漕司吳興傅樺漢儒所書也衰齡撥書反覆讀笑比黠鼠銜薑

時

飲顧孝廉

嗣立

秀野堂同周吉士

尋賦

秀野堂深曲徑通巡檐始信畫圖工

王給事原祁寫

小山窠石屋高下

清露戎葵花白紅已許糟丘成酒伴不妨蠹簡借郵筒入秋

準踐登艫約吟遍江橋兩岸楓

偕陳同知

昂

畢上舍

大生

李孝廉

大中

從孫

玉鏡

登澱

山寺謁秦女祠分得合字成三十韻

二百里澱湖風與團柳合茲丘峙其隅磨眇等羸蛤想當在  
中流川氣互蒹葭漁商恒惴恐波浪恣碣磔愛此一簣山表  
以千花塔風帆走四面烏鵲遶三市傳聞秦女神於焉沉錦  
躡大姑鶴背騎仲姑蟾背踏季也鞭青虬履用五絲鞞力能  
役鬼工地戶信揮闔忽恍靈旗翻飛雨響修颯物換改桑田

祠宇儼蘭閣月檐搖綵幡煙帳熏紫蠟至今千歲蛟不犯青  
苔榻其西鑿井泉與湖暗呵欲綆餅都棄寘猶幸闌未塌循  
徑入寺門虛廊屏蹠雜土灰掩法王無復辨魚鴿一童啓荒  
扉一老補敗衲既免禮數煩且喜笏簪盍巖幽足眺聽鳥下  
乃潛盧言是龍子蟠黑雲時出納何年湧山根若頤略噬嗑  
鴨脚樹兩株不知幾僧臘柯條神所護孰敢肆摧拉試驗縱  
橫陰誰與量玉鈴南有修竹林冷翠壓簾竦籬野薔薇綠  
刺見斜搭坐久山鳥鳴惜哉少酒榼何處星星鐘隔浦遠相  
答

徐檢討

鈞

紙扇讀修上人詩愛其清逸上人時訪余

放鶴洲余留吳不值却寄以詩

少年上人足佳句清似玉壺一段冰絕倒垂虹舊亭長來尋

放鶴老詩朋迂辛短李許誰和癩可瘦權知不能何日扁舟  
攜白麓聯吟竹屋夜牕燈

澱湖陳氏書齋觀吳仲圭為陶九成畫竹居圖冊

吾鄉梅花衲画竹如箭豪但留煙雨叢不必定娟好一叟南  
村來林泉互幽討為寫徑尺圖籬落皆意造兩書至正年其  
體近章草題句十一翁一一盡遺老我友澱湖滑竹居等鄰  
保真蹟儲篋中啓示藉文纓孟夏風始薰新篁小亭抱髣髴  
秋聲聞可以除熱惱道人述松雪詩有歸聽秋聲之句故及之

題納涼圖

愛伴雲根坐還留羽扇揮休添一星燭便惹麥蛾飛

陳君緘寄普光王寺二碑索余游記復成三十韻兼

寄錢上舍柏齡高處士不齋

我聞千佛名載在三車書惟茲普光王梵夾乃忽諸佛說無量壽經

中宗時僧伽建寺請名普照王寺中宗以照字是天后流傳南渡日有僧

棲山岵危榜兆吉夢初地開精廬要知法王子信者意所如

偶然占高座即事傳方輿當其始經營入定走魑魅結成多

寶塔倒景浴修渠莊嚴水晶域瀟灑青豆居有若爛銀盤中

湧翠芙蓉過者傳畫繞清辭琢雕璣四明文英過此題滿江紅詞陳迹歲三

百鼓簫歇巫胥花宮縱蕪沒臨眺興有餘波潮息廣澤禾麥

交平畚導水固有術泄之以尾閭忽念淮泗衝濁河苦填淤

誼誼禱壁馬折柳沉新樗

至尊日焦勞羣公但躊躇千艘未得轉何以實倉儲芻蕘效

末喻西北水易疏沽有七十二可以通沮洳淀有九十九可

以興耜鉏俾之納稔穰亦得收蒲魚天庾既以充河患不

待祛焉用萬斛舟楫口紛牽掣誰能急先務章莽徒秋歎良  
辰且游衍藻景方舒徐悔不抽帆檣悉留心相於左拍高生  
肩右攬錢叟誌誅茅此山麓耦耕晞溺沮

近來二首

近來文人愛標榜不慮旁觀嘲笑工但架廬陵屋下屋辦香  
誰解就南豐

近來論詩專序爵不及歸田七品官直待書坊有陳起江湖  
諸集庶齊刊

陸秀才競烈南田書屋圖

近郭一丘一壑到門有橋有船主人著書檐下不入城市經  
年

送李司訓琇之括州

我聞括州洞天福地有其四近在縉雲麗水青田間廣文先  
生此去主郡學芙蓉面面峰迴環毋嫌籤程遠毋憚行旅艱  
揚帆七里瀨舍櫂雙溪灣我昔逢雨雪冰膠磴滑不易攀子  
今乘清秋一日可以超重關惡溪亦不惡終年水潺潺隘口  
亦不隘終日車班班青衿胄子載酒至往往剝啄鳴樞櫟龍  
泉碧盃蛛絲斑香菇菜筍飯赤稷全家志在潔白養三簋之  
祿足以怡慈顏況聞此地僻且閒有腰免使陶潛彎熱官何  
如冷官好宴坐但看門前山新詩相憶肯相寄老夫爲子方

便刪關詞方便刪  
元微之句也

東湖曲八首

弄珠樓外月輪明九派寒潮一夜生怪道漁榔爭入市白鰕  
青鯽滿東城

十里湖光一葉舟五層塔火浴中流曉來寺寺霜鐘急驚起啼鳥掠渡頭

吳娃蕩槳濕輕紈西浦菱歌聽未殘路入板橋舟去遠游人尚擁赤闌干

博陸祠東畫舫開兩頭簫管勸交杯城門緩鎖銅魚鑰坐待三更月出迴

黃雀披綿出葦苔花雞剖腹露紅椒不煩蘆瀝晶鹽糝米汁船娘手自調

鱸鄉蟹舍說豐年秔稻當湖熟最先一雨新晴纔幾日家家門外送租船

化城香刹裊幡竿五髻如來石作壇乍浦南風潮兩信新黃袖子滿堆盤

夾岸芭籬鹿眼麕近船花草錦茵鋪湖邊漸少閒田地隄上宜添賣酒壚

題趙方伯勸農圖

三農播百穀原隰各有宜匪特因地利又必循天時民生務在勤豈可惰四肢耘耨一不力苗莠豆為其炎暑尤可憐秧馬苦躑躅晨曠夕飛蟲一嗜頑肌及其登場圃手足盡皴胝磨礮且簸揚然後供一炊云何不愛惜等之莢稗為盈倉飽雀鼠百斛飯僧尼國奢當示儉先務宜在茲我

后省耕斂蠲租起瘡痍作繪耕織圖 賜予先保釐公復纂

質言勸農書也 鏤版下有司遠邇七十城戶誦比書詩齊民諳要

術風俗公所移吾裒受一厘僻在長水湄披圖媿善頌對此

豁雙眉

南浦歸舟圖為李上舍宗渭作

已別東湖夜月將擎南浦歸舟好占日色風色直沂饒州信州

西湖

十三亭子景平分銀榜昭回天漢文破除水墨馬一角馬遠

墨西湖十景冊画不滿幅人稱為馬一角姚雲東詩宋家內院馬一角是也界畫金碧王孤雲裏湖外湖

煙樹接斷竹續竹山泉聞承恩父老衣黃絹芸鼓鑿鑿報

夕曛

臨平道中是日立春

老矣孤蹤尚棲泊小除日近始來還且沽市中缸面酒臥看

雪後磬頭山谿雨移時泥滑滑舟人上岸腰環環安平泉源

一叢樹早有春鳥鳴其間

虎山橋夜泊

薛家車子十四白傳歌童一雙風定虎山橋水月明蠡殼船

窓

曝書亭集卷第十九

東山蘇文前  
平家車七十四白刺媚童一  
...

曝書亭集卷第二十

秀水 朱彝尊 錫鬯

古今詩十九

重光大荒落

二月朔查山探梅集六浮閣分韻得覃字

查山一卷石太湖匯西南梅花幾百萬亂插如著簪我來微  
雨後盡圻霜苞含橫披谷錦繡倒映天蔚藍高臨銅官井下  
者萑蒲潭鹿眼編疎籬鹿胎糝空哈卑枝或壓帽瘦蒂恒飄  
衫粉蝶羽翻飛白龍須鬢髮曩時李先輩丘壑性所耽過  
之不能去思結小圓菴點筆寫為圖買山付虛談清河有一  
老於此開徑三詩壘黃篾樓生壙金粟龕偶占絕勝地戶戶  
圍重嵐漁洋時厥左層波激澗澗其右浮者六一一同眠鷺



所憾激浦隔未得窮幽探徒羨漁子艇揚帆捉羸蚶張郎敬  
愛客託契來僑郊園蔬進香飯家釀發新柑蟪蝼列瑣細橙  
橘分酸甘主賓迭相勸力飲忘身酣是夕陰復晴淨洗雪曇  
曇花光暝逾蒸四坐聞醜譚牽吟共鬪韻語笑吳越參酬和  
繼沈范少長齊羅聃禮從野人野嗜比貪夫貪昂參橫醉後  
各各猶研覃回憶平生游斯集樂且湛擬留信宿居懶上白  
竹籃

初二夜月聯句

二月哉生明華亭高不壽查客曆象古無易長洲舞詞過遷客云何期  
未屆吳江徐鉉電發忽露一鈎白嘉定張大受日客纖纖玦兩頭彝尊遠  
遠眉半額長洲顧紹敏嗣宗驟剖老蚌胎吳縣徐葆光亮直乍吐妖慕  
鬼秀水朱甫田襲遠拉折金臂環崑山徐昂發大臨屈曲玉牙尺長洲顧

嗣立俠君从痕浸湖波長洲張士俊題三初輝澹林隙長洲鄭弢季雅趁霞  
射東菴長洲蔣深樹存逐景度西磧嘉定張士琦天申偃蹇桂樹枝垂  
蹉跎仙人跡嗣協巾看越鳥將鉤喘笑吳牛亦大受於焉拓風簾  
彝尊恰喜映瑶席紹敏玲瓏閣外梅葆光淨若曳霜帛甫田暗水  
流其間昂發積素影活碧嗣立廣寒八万户士俊料愛惜花客弢  
預使千里光深冷沁凍蛟脊士琦亟催簫譜修不審恣把餅泥  
坼嗣協或舉深杯邀鉤或持紺法測大受維衡運疾遲彝尊猶  
人命通厄紹敏先時天不違彝先翁者善焉關甫田勝引樂自今  
昂發庶徵考疇昔嗣立多耀由政平袁宸和驗寒華弢金樞落  
不知深爛醉參橫夕士琦

雲溪草堂圖為徐進士永宣題二首

菱葉荷花蓼草磯鶴巢深樹客來稀主人且莫貪高臥合賦

新涼柳汁衣

江城過雨不開雲百里洮湖一曲分比似玉河隄上望柯亭

劉井總輸君

上已後三日顧孝廉之招同諸公泛舟西湖即事

分韻得交字

獨權花陰入重湖柳色交斷橋亭蓋瓦曲院水通坳楚雀黃

猶澀江蓮葉尚包

宸游留翠墨車馬隘春郊

吳越武肅王祠觀表忠觀碑得潛字

一王三節返龍德半飛潛尚有豐碑在能摹活筆錢花開仍

陌上廟古逼城尖霸業餘陳迹思繙舊史添予注歐陽子五代史未就

八日汪上舍之招同諸公夜泛五首

青驄斜日盡迴鞭錦瑟中流罷合絃誰似汪郎苦留客夜深

猶放總宜船

湘湖遺老毛叟奇齡舊清狂白髮相逢筍蕨鄉已分今宵共沉頓

不妨跋扈少年場

西泠橋外柳娟娟宿霧迷濛月一弦陌上花鈿如可拾安知

老子定無緣

蠟燈何處送歸艍一道萍開燕尾香寄語紅牕休度曲隔船

回顧有周郎

湖心亭子靜無塵更上層樓算酒巡好趁三潭涼月色白銀

盤裏采香尊

十日周上舍菽招飲晨過昭慶僧舍雨霽借諸君登

舟循孤山沿蘇公隄至定香橋尋杖策歷大小南屏

觀磨崖家人卦舟回席上賦六十韻

山行有前期晨起風雨惡周郎衝泥過促赴開沽約車從酒  
庫來航近寺門泊同調六七人畢來踐宿諾俄頃濕雲收周  
遭露巖夢統如津鼓動解我青絲紵隄綠水仙祠柁轉巢居  
閣已枯宅邊梅何況暮上鶴徐集孫謁林和靖墓詩高風留翠鶴殘雨暗荒碑舍之度西  
泠椒壁乍坊聖長廊面積水華構織新箔云何丹粉外團焦  
用綯索得毋法堯階茅茨罷翦削循此溯上洄尋復步蘅薄  
雙樹繚檐楹層樓敞檻櫺倒影碧重巒殘英紅一萼抽梭白  
魚跳拂鏡翠羽掠十亭此為最奇豈緣棧壑同游興未闌我  
心亦有託思訪磨崖書剔蘚試摹拓篙師儀舟誤失道墮蕭  
藿俄聞南屏鐘扶杖強趨趨到院風滿林松枯雜楊柞客過  
僧不迎去疾走矍矍此輩廢耕畝安坐享齋饌何不勒歸農

驅使荷鈔鈔夕曛斷塔明仰見飛鳥羸起行十畝間柔桑已  
沃若修修綠筠竿濕粉脫鮮籜曲木橫為橋中以石填廓苔  
磴側未安賴有藤婁絡頽齡苦足繭十步九引却賈勇始一  
登履險漸寬綽石經早淪亡餘者日銷鑠家人卦六爻何年  
此鑿鑿曩偕鉏菜翁曹侍郎容相攜共盤礴彈指四十春重過感  
今昨流傳迂叟題所喜未闕落威鳳臆騰鶩乖龍爪拏攫亟  
宜響榻回悔失攜竹膜字仿婁機箋手學蔡邕摸坐久暝色  
催出谷下危約平湖水悠悠遠岫山漠漠喚渡無緩聲舉臍  
有逸爵尉勅江庖烹盤飴海物錯紛綸算鮑籌稠疊進羹臠  
吾衰僅兩齒笑比牛軟嚼於禮去煩苛既醉忘嗚噓邇來數  
近游今日樂上樂雖殊梓澤敘合繼蘭渚作於焉迭觴詠詩  
排硬語各且當柅我車入市趁櫻酪主人洵好奇語客君且

莫茲游縱可娛所見但塗腹詎足契真情要必遠城郭須爲  
裹飯交選勝窮寂寞兩峰躡晨梯九鎖開夜鑰行逢鹿銜花  
臥聽禽擣藥暇看樵子慕雄對仙人博子言我獨哂其奈筋  
力弱後游儻可陪閉戶養腰脚

顧十一孝廉

嗣立

載酒寓樓遂同夜泛三首

近郭新晴穀雨故人載酒僧樓商略今宵月色一艘小舫中  
流

白鷺鷺拳一足綠楊柳散千條誰唱彎彎月子赤闌干第四

橋

蘇學士隄芳草水仙王廟寒泉正好當頭明月莫緣半醉迴  
船

偕諸君過靈隱寺雨宿松靄山房限韻二首

湖雲乍合山雨微平岡細路風吹衣過橋幾處甃塔湧到寺  
一道巖泉飛斬新白花蕊照眼依舊青竹園開扉攀蘿捫葛  
信公等我與僧彌暫息機

正喜餘霞射東谷何期簷溜滴階頻且貪是夕翦燈話判作  
來朝著屐人慧遠酒邊能發興周顛肉罷詎生嗔貓頭之筍  
一飽足況有青青鴨脚芹

松靄山房六詠

四松徑

松子落五粒松釵橫十尋我來凡幾宿夜夜警臯禽

山茶院

二十四春風一百五寒食自開雪中花至今好顏色

清籟居

蘇書

一夜雨鳴樹不知雲幾重推牕看曉色對面北高峰

西礪

山僧斲茯苓洗此西礪水宛轉流樹根洵海鳴不已

栗園

布葉密如櫟結實小於榛時有芻尼至翻飛不露身

竹筧

流泉半嶺來續以青竹管穿過白花籬忽注僧厨滿

吳氏山莊牡丹歌

牡丹三本異凡骨紫囊紅襖爭暄新山家種此有方法陳根  
淨洗無纖塵徐量淺土壓深塋旋摘芹芽除苔茵要令植物  
生意足不因得地長於人我來恰值穀雨後愛三百朵濃香  
勻朱竿卓立張翠幔游蜂舞蝶皆逡巡日長狸奴慣癡坐有

時抱子來洗洗分明橫幅趙昌畫對此豁眼開心神廬陵譜  
就種漸夥或自曹毫移吳闔天紅淺白僅盈尺安得有此一  
丈身我思來朝未必風不起亟呼酒伴澆以甕頭春

三潭采蓴聯句

明湖一鏡平際曉光汎汎彝尊三月抽香蓴纖纖裏柔苗馮念祖  
吳儂戀鄉味少小能識察顧嗣立擬荷錢未圓比苕帶尤滑周敏  
差遜雉尾長頗類蠶絲軋吳陳琰燕釵股天斜鳧葵莖藻刷周松  
入掌溜螭蜃逆毛掩鷓鴣馬聖贊當其采摘時得一走七八彝尊  
幾番誠漁童白過迴櫓窺念祖匪直手拮据更在眼明黠詞立貯  
之老瓦盆戰戰小魚頰馮亟須下鹽豉曾不費椒檄陳琰即此  
足解醒饑叔恣交夏菘却笑張季鷹苦待秋風刮聖贊

兩宿大仁院

徑轉雙林下，牕分半壁隈。築牆防虎穴，登閣儼蓬臺。宿鳥翻  
風去，驚雷觸石迴。明當凌絕頂，導我一僧來。

石屋

大仁院北巖窪中，若廬旅傾崖。滴石髓，白日掠仙鼠。鑿佛大  
小軀，莓苔色黯沮。置身井谷中，窺天可倚杵。剔蘚辨留題，各  
自命儔侶。試觀咸淳書，筆縱字尤巨。白鴈雖未來，邊烽已先  
舉。奈何平章賈，志不在疆圉。貪領狎客游，子弟共容與。嫉惡  
性所同，見者費熏煮。不覩眉山翁，拂石埽雞距。愛惜爭摩挲，  
響榻硬黃楮。洞門石扇開，幽探少樺炬。慮拔千歲蛟，疑然不  
敢語。山南殷其雷，驟雨沒沙渚。偶坐贊公房，夕陽滿平楚。

南山雜詠十七首

水樂洞

蒼山入夏寒，一泉自溫谷。其流浸蘭蕙，其音喻琴筑。砉然石  
扇開，飛出白蝙蝠。

虎跑泉

山泉可用汲，酌以長頸匏。虎跡久已湮，深穴猶窅窳。松陰轉  
三面，未肯回鞦韆。

煙霞寺

澀磴上招提，不知幾十級。入廚覓泉枯，過雨佛身濕。石乳滴  
空嵌，髣髴龍象泣。

風篁嶺

斷崖橫一嶺，穉竹何娟娟。時有山禽拂新粉，墮我前。欲尋巖  
下寺，揮我風中絃。

過溪亭

一亭四無鄰棟壞柱已折山僧慣迎賓不忽過溪別偶語莎  
草間夕曛信明滅

楊梅塢

我行楊梅塢惜是孟夏初是時果未熟但見柯葉舒思包綠  
荷飯五月來精廬

龍井

一泓澗山坳過者不敢唾雖然龍窟宅亦許鬪茶坐起摹襲  
陽碑惜為僧所流

片雲石

峰頭石縹緲豈異一片雲有時風雨過獨立雲中君安得五  
丁手移置長水濱

薩埵石

揭來給孤園玩此薩埵石石上生莓苔千年暈濃碧不見飲  
虎人且鋪苾草席

納翠山房

溪迴凡幾折早已滌塵慮靜看三樹松深陰且箕踞客去鶴  
飛來客來鶴飛去

九溪

尋遍十五寺九溪鳴淙淙下無一寸魚上有百尺松緣流思  
濯足奈此菖蒲茸

十八澗

暮經南山南曲澗一十八山橋往而復山路缺兮此夕曛漸  
催人延首望香刹

玉鈞橋

白曲一道士愛住山之幽褰裳慮深涉賣彼白玉鈞築橋訪  
詩侶茲事宜千秋

翁家山

岩岩翁家山松花滿深塢村民高平居少長齊捕虎但誇弓  
弩強不識耕耒苦

桂陽

桂樹花不實何年種山椒良由山中人歲暮不自聊殷勤與  
我期秋日來逍遙

理安寺

三家村裏人靜獨木橋邊路又竹響驚回鼫鼠泉香流出松  
花

冬花

我愛僧房亂石堆短籬笆護妙香臺不貪夏果楊梅熟恣看  
冬花盧橘開

馮孝廉

念祖

招飲

即送其同周

松入吳

故人襍被下吳淞且復官泥圻酒封主客不知何者是登臨  
未覺老夫慵池邊灌木陰千尺郭外晴山翠幾重有約谿亭  
宜避暑迴船試共采芙蓉

酬洪

昇

金臺酒坐擘紅箋雲散星離又十年海內詩家洪玉父禁中  
樂府柳屯田梧桐夜雨詞淒絕意以明珠謗偶然白髮相逢  
豈容易津頭且繫下河船

題春郊浴馬圖

兩頭纖纖駢角弓半白半黑浮雲驄酒壚未醉莫歸去最好



春郊楊柳風

題初白菴主小像

玉臺舊鏡已塵昏何處驚看雪鬢痕頗似琅山查長老新涼

可有副衣存

查龍圖寓居常州琅山寺躬事薪水給眾人稱為長老嘗與程宿留疎舍盜取其衣呼宿曰衣有副乎當奉假盜聞之棄去菴主近泊葑門外為盜所劫故及之

題丁明府秋江垂釣圖

秋原子蕭條秋雨兮漂搖西風悴子梧葉南山落子豆苗園  
無棗子纂纂田有莠子驕驕之子子移家寄情子雲壑爰理  
子釣綸蔽之以漁箔衣獨速子青蓑笠天斜子黃箬一艘子  
雖小亦足子載書采風子婣雅暇得酒兮烹魚信斯圖兮可  
樂惜榛蕪子西湖之居

寄樂平石明府

為崧

天開彭蠡瀕南邦石墨峰連羊角雙近說循聲過朔郡

明府舊宰

靈定知詩派壓西江畫簾茗莢香聞竈夜閣琴絲月滿牕望

眼側身非一度相思聊復采蘭芷

題李上舍騎牛圖

騎牛恣所適不在郭椒與丁櫟試看圖中人出郊穩踏芳草

春春風暖拂堤上柳柳外青旗定應有可惜偏提不在手南

鄰朱老儻見尋勸爾沙頭一壺酒

玄默敦牂

小宛堂

小宛堂階梅兩枝疎花點點映清池分明馬遠圖中見只少

楊家妹子詩

題洪上舍傳奇

卷之七

廿

十日黃梅雨未消  
破牕殘燭影芭蕉  
還君曲譜難終讀  
莫付尊前沈阿翹

水帶子歌為喬孝廉崇烈賦

水帶子環外虛其中九州以內制器不及此得非來自日本  
東刮磨者匠髹者工惟智創物變乃通置之兩腋下絡頸雙  
青綾中流踏浪如御風過涉不愁滅頂凶勝壺千金樽五石  
溺人一笑可以生我躬喬生手攜是物訪我梅會里自言來  
自射陂水黃梅時雨水稽天甕社湖流人罷市無朝無暮慮  
覆舟且喜今朝得到此挂之駝鈎壁上懸與論往事增淒然  
初聞淮南減水垣開設  
天子謂是一垣一口決俄而僉謀滋異同爾考直前奏事真  
剴切迄今黃流泛濫軫

帝情鴈戶豈得安其生  
桃花春水縱不發河隄使者毋遽諗  
平成吁嗟乎河伯不仁亦無害準備家家蓄水帶

送張士琦令永新

春草烏斯道長洲陸子餘  
由來循吏傳頻見永新書送爾之  
官去牽絲製錦初秋山日蒼翠詩卷共清琇

為宋巡撫華題李營丘古柏圖

毘陵董啞子不畫山畫水淮陰龔高士不畫人畫鬼乃知負  
絕藝落筆恒自矜獨立萬古意恥與時爭能試觀營丘畫中  
柏宛似青牛道士井邊植一株足敵一百株數尺看成數千  
尺樹根有泉亦有石樹旁有草亦有棘當時畫柏不畫松檜  
葉縱身更奇特商丘副相寶之久是日從容出娛客滿堂觀  
者齊動色濃香亟就焚几熏葦偃畢宏畫不得此樹不知凡

幾年童童有若車蓋然吟高東北池西偏玉鴉又挂逾清妍  
期我體物賦長篇往年文康公晚作

孝陵輔君臣相悅邁曩古和調文武致太平一賜予圖書出  
內府郭熙范寬真蹟存猶載香厨舊時譜公今鑒賞多逾精  
暗中以手摸絹可辨宋元明閒來論詩兼論畫過庭才子迭  
品評三吳開府近一紀盡收江表詩人作弟子只如篲也亦  
是詩中豪家石泉明府載震惜我和歌今老矣

何孝廉噉荔圖

吳中才子過閩中扶荔園開曲曲通小榼都籃餐不盡惜無  
人為擘輕紅

觀劇四首

四照亭開桂樹叢夜涼風細蠟燈紅人間亦有霓裳曲絕倒

吳趨老樂工

三徑秋花裛露新重攜酒伴過城闌只應夜夜西江月留照  
筵前舊舞人

燭下清歌楊叛兒手中團扇謝芳姿勝他幅幅纏頭錦賺得  
張郎拜月詞謂孝廉大受也

歷歷羊燈樹杪樓恣修簫譜散觥籌龍鍾莫怪尊前客弟子  
梨園也白頭

題家廣文端鄧尉尋梅圖

村村梅底鬧壺餐莫笑先生首著盤桃李漫山都不戀冷香  
合讓冷官看

慧慶僧房雪中聯句三首

柏

寺門柏二株華亭高不羣桂客老幹等鐵石我來七月留羣葉蒼  
翠陰日夕今晨啓牕牖武進徐永宣學人忽訝冷光射漫天雲萬  
里到地雪一尺不羣庶物齊癡肥羣尊此樹獨寒清疊葉刺鏤  
青永宣交枝巧剔白盤坳挺鴉又不羣瑟縮僵蛟脊根封雪窖  
銀羣尊身曳全匹帛夫豈本性然永宣偶為造化役空廊立  
移時不羣目眩肌疹痲林頭倒餘醞羣尊相對且酣適扁舟  
泛未能永宣悵望遠行客不羣

是日汪份張大受汪鈞  
公與北山欲遂未果

玉蘭

雪後玉蘭樹羣尊二本何勻停居然華林闢不羣甲鉢羅滿  
庭雖無裂鼻香永宣照眼光瓏玲重重傳瑤粉羣尊寸寸排  
銀釘有時風吹墮不羣素影逾娉婷交枝露綫霑永宣千苞  
壓繩纒色殺辛夷紫羣尊體變珊瑚青因憶虎丘北不羣斜柯  
倚巖扁歲久呶其腹永宣吐萼猶豐馨此時更奇絕羣尊乘興  
思開酌惟愁凍塗滑不羣沉復密霰零不如雙樹底永宣淡  
坐憐忪惺羣尊

山茶

海紅亦嘉樹永宣恰與小牕對十月已試花不羣娟娟良可  
愛孤根託招提羣尊冷豔免簪珮曉起雪漸深永宣我心始  
焉悔既慮苞蘂摧不羣兼恐顏色退孰知歲寒姿羣尊凜冽  
性所耐譬蒙縞素衣永宣嫣然呈餘態画師貪此景不羣往  
往入圖繪或描江梅並羣尊或取水仙配分明黃趙筆永宣  
只少鷄雀隊寫生貌遜真不羣比調朝繼晦芳菲正有時羣尊  
改歲游可再永宣

聯句題王處士畫折枝紅豆圖

卷之二

七

東禪寺紅豆一本結為連理枝高至三丈花時沈啓南文徵  
仲唐子畏湯子重諸君恒修文酒之會後為疾風所拔王處  
士武以水墨渲染作圖妙奪天真適有餉東筍者并繪之樹  
底圖今歸張孝廉挂之橋下小軒孝廉屬題興到聯句兼憶  
亡友惠吉士周惕成十二韻康熙壬午涂月秀冰朱彝尊錫  
鬯識

吳赤烏年寺嘉定張大受日容相思子一叢葉參雙塔外華亭高不審

查客花豔八門東照影清溪水寺舊有彝尊題詩白石翁甌香茶

竈熟呷山徐昂發大臨徑轉麴車通結實收新雨大受調禽付短童

經行消晝日不騫開謝幾春風惠子居相近彝尊王郎畫最

工偶然濡淡墨昂發澤爾變輕紅破萼天桃似大受披圖東筍

同已無枯樹在不騫長恨舊墟空賴有淋漓筆彝尊能移造

化功祇應懸素壁昂發吟賞小軒中大受

雜詩二十首

淮陰一登壇風雲色寥闊囊沙齊遂破立幟趙斯拔羽也縱  
英雄氣盡豈得活大統歸赤帝鴻溝因罷割何哉雲夢游一  
日真王奪始焉將百萬目中無布越既與噲等伍國士已羞  
殺寧知論元功後乃及蟲達

焚香戶庭中逐臭者在外彼自海畔行於我尚無害所嗟蘭  
蕙鉏盈要服蕭艾荀揚世所賤孔孟乃飢退無鹽入齊宮明  
妃去漢塞物理固自殊時運寧有待愛者終莫憎憎者不復  
愛

含沙難匿影貝錦無停機一為讒言中聽者弗復疑我欲指  
天陳畏見南有箕小雅七十四感彼青蠅詩

芳蘭生當門託根豈能久嘉禾徑寸苗拔萃讓莠蛾眉一  
入宮謠詠但言醜匪畏妒人工所憎二五耦

雕陵有飛鵲定巢上林枝不愁風雨漂寧慮贈繳施雄鳩特  
佻巧側目從旁窺一朝逐鵲墮公然來居之搖頭鼓翼鳴喚  
婦舖其兒身無鳳凰德飲啄鳳凰池非所據而據終爲百鳥  
嗤

紅亦不復花白亦不復花堂前雙梅樹但有枝杈柯春風吹  
戶外好鳥鳴鄰家嗟我寂寞人故里同天涯

淮王升天日對帝稱寡人始焉帝心眷旣乃帝怒嗔譎歸小  
山中桂樹枝輪囷居然盜帝書意欲垂千春河間禮最古楚  
元詩亦醇區區服食方咄汝非其倫九師招不羣且與雞犬  
親

夷羿射十日其九落高穹如何此神術迺以授逢蒙支左與  
誦右於枝無不通一朝突反射人鮮克有終嗚呼在三義有  
若日在中六經各有師不及斷椀工昔賢服心喪期與生我  
同薄者無不薄奚事鳴鼓攻

秋蓬本在下吹噓送上天回風崇朝至過我門梁邊假令一  
者來何妨暫周旋奈何舍我去轉向斜徑穿不如楊柳花相  
近猶纏緜涼燠有定候冰炭毋乃偏

昔有池仲魚移居城門下城門設重關際夜上銀鎖旣無穿  
窬患兼有擊析邏自謂智慮周乃藏殺身禍烈燄已具揚撲  
滅勢不果吁嗟骨用朽前事資驗左處世多危機衝波少安  
枕桑海詎難乾祀天亦可墮宋鄭四國災咸秦三月火達人  
殷遠憂朝市足恒裏逍遙十畝間爲樂無不可

華山有小鳥自名寒號蟲翻飛必自卑毛羽恒不豐物微免  
弋獲幸得過凜冬一朝條風至自謂時命通洗頭玉女盆鼓  
翼白羊峯謂鳳不如我聽者誰汝容鳳兮翔于切覽輝下梧  
桐一鳴音節節再鳴聲噤噤雖言德之衰物理豈終窮  
千佛各有經翻譯滿禪闍山花木葉文繁重苦難括自從蓮  
磨來一葦當津筏聰明主妙悟指授在呵喝不讀一字書貌  
坐立可奪奈何君子儒語錄效緇褐讀古喻玩物斯言太拘  
闕聖人述六藝反正亂可撥豈惟身獨善言動必迂闊張口  
雲霧中昏瞠何由豁庶幾經濟才寇虐乃能遏  
有酒斯鼓缶吹壎必和篪同調定見憐一心不相離古人重  
久要隙末非所宜谷風思小怨大德反棄遺新交不如故君  
子當三思請看蘇子卿豈絕李騫期

蘇秦六國印主父五鼎食積金已成穴多方猶采獲人壽無  
百年子豈神仙籍蟬蛸語螻蛄我今日將夕春秋爾易邁不  
樂良可惜

衡必錙銖爭錢必子母權佳李鑽及核曲防遏其泉不屑一  
毛拔而況千金捐舉世皆揚朱方思墨翟賢

飛蟲揚其羽乃為蛛網得白鹿游上林難免射工食君子慎  
所趨毋以貪自賊不見冥冥鴻寧受弋者弋

佛法西域來道里實遼遠其徒祇比丘馬馱經數卷至晉始  
有尼入梁俗莫挽此輩僧易狎為態亦婉婉一入富家門內  
言出於梱挾伴湖山游積金寺塔建精舍累百區有司豈能  
限宣淫青豆房飽食香積飯因之壞風俗詎可偕息偃婦人  
有婦功蠶織乃其本如何水田衣婆拖出紙死跪拜學男兒

對客不自忖誰修鳳樓識絕此毋往返

先王設庠序專以明人倫校官爲人師必先順乎親入貲稱  
博士母也情所欣雖有祿三簋莫具膳兼珍九品流未入自  
詡爲王臣板輿道豈遠忍自祝其輪彼心誠泰然我見翻愴  
辛

東京厚風俗士行本學校必先親其親使民知則倣於時重  
喪紀期功相答效至或自解官居憂立名教奈何今之人母  
死不作孝舍爾苴經製有醜酒肉貌首丘死者狐首山死者  
豹鮮民之不奔曷月掩泉窖誰哉生厲階仕路巧騰踔

男兒一墮地弧矢射四方家有驥千里豈戀苗藿場威鳳鳴  
啾啾千仞肆翱翔覽輝一以下百鳥生儀光圈牢有養物毛  
鬣分柔剛留以施刀俎逸欲終見殃駛景洵易馳安樂不可  
常奈何當盛年白晝處帷房

曝書亭集卷第二十



曝書亭集卷第二十一

秀水 朱彝尊 錫鬯

古今詩二十

昭陽協洽

盛秀才書齋觀文 嘉水墨杏花新燕

宣和譜花鳥獨有燕子畫者少後來小屏山多寫白燕梨花  
間大都畫粉不畫墨又或畫雙不畫隻吳中才子文休承藝  
事三絕人共稱冰紋之繭恣留額新燕圖來剛一尺其餘盡  
寫石田詩不許觀者旁題辭梅湖盛生雅好事少長羣賢並  
邀致晴軒挂壁縱客看歎息滿堂聲不寘圖中鳥衣甫出巢  
杏林過雨含香苞拂羽試飛力尚怯風前未遽踏花梢自來  
寫生手往往守窠白惟有石田真軼倫同時絕品數唐寅兩

君畫意不畫似嘉也此圖亦逼真吾衰應洲詩嬾作去聲只愛  
看畫題長句坐中妙繪六七公那不臨摹遺我茅堂中搖頭  
鼓翼尾涎涎令我日日長相見

春暮看花木瀆夜過上沙連雨不止信宿還慧慶僧

寺左足病壁自慰二十韻

春游抵木瀆對酒愛晚晴際夜泛上沙俄頃風雨生屋東西  
溝水瀼瀼階除鳴繩牀承漏瓦三徙仍欹傾淫潦晝不已疾  
雷暮砢曾有蚓蟠青泥有菌抽黃莖置身雲光中濕氣易滿  
盈老夫留信宿臥起足疾嬰其左頓成蹙其右安得蹙推牕  
覽朝霞散作魚尾頰言辭主人去淨域返水精兼旬罷看花  
累月不入城父母生我來日月斯邁征紅塵早插脚重繭萬  
里程雖經侍班聯曾不伺公卿既嬾著朝韉兼恥邪徑行一  
從罷官後誰復驅使令不妨日蹢躅堅坐無所營吾自著吾  
書吾自怡吾情不有習鑿齒足蹇春秋成

苦熱和梅都官韻

于垵鸛不鳴涉波豕潛逃不有膚寸雲焉得陰雨膏徒封蜥  
蜴甕未珣鳥獸毛旣乏招涼珠詎有含風袍良苗日以槁莫  
抽分寸毫夏畦病莫治秋乃亡其曹老翁愁旅食疾首虛爬  
搔廣廈尚苦熱何況層樓高

夏日病足留慧慶寺張顧二孝廉孫范二上舍徐陳

范汪顧五文學載酒至席上譚藝率賦二首

一人半爾習鑿齒三樂具焉榮啓期老矣關心無俗事相於  
把酒判深卮風多盡卷枯棹水旱甚將枯蔗芋陂已辦衝泥  
油竹傘當筵頻起祝雲師

近聞

天子幸捺鉢 闕下諸司務暫休  
吾意最憐雙樹好 諸公合近五湖游  
形模楊陸詩 焉用服習曹王筆  
自道五相一漁朝野別 不知何者果千秋

初秋宋五進士

聚業

載酒過張三孝廉

大受

潮生閣

送魏二孝廉

坤

之西江即席分賦得九言

今年六月不雨至七月小軒橋下恒苦水氣腥  
昨宵高荷大芋聽枕畔歷頭檢點白露今朝零  
武塘魏二舍我豫章去鴨嘴小艇蚤繫菰蒲汀  
此時攬袂欲別不忍別卻喜南園酒載雙玉餅  
匠門羣從同調三五客長歌短詠搖筆無留停  
此時秋之為氣感宋玉碧梧桐猶未落靡蕪青  
潮生閣梯從一初枕上八牕盡拓四面風  
泠泠灌嬰城中本吾舊游地中有古井浪動連宮亭  
珠簾画棟亦有帝子閣目極西山南浦無潛形  
人生快意豈必致通顯文章一技可以垂千齡  
桓山石樽縱使九泉錮詎若閉關頌酒生  
劉伶他時寫取水村圖第七容我拄杖剝啄叩門高

橋下小軒對菊效陶

商風拂昧谷翳日浮雲移晚節菊有芳不隨蕭艾萎  
黃白愛並列朱紫或間之雖乏有晚實沃沃呈其姿  
主人治席硯弟子前攜辭抗論孔壁書兼詠伐檀詩  
吾亦扶杖至逍遙循階墀良久發清謳妙舞堂中施  
三爵客多又一觴我同持人生如噩夢境適且自怡  
今者若不樂將為四座嗤

題喬孝廉

崇烈

書離騷

伯時圖九歌和仲書九辨昔賢愛楚辭重之若笙典舍人工

楷書法在去肥輒三真六草間用意帶章篆年來日臨池真  
蹟滿巾衍離騷思所寄一寫一百卷吾思屈子才妙語恣抽  
演美人與芳草發興義微顯靈修美始合改路忽他踐藝蘭  
磐石阿終憾託根淺一日化為茅遂為蕘豎翦冶容非又工  
其奈出辭寒揚蛾衆女前謠詠詎能免水流豈復回石爛不  
可轉斯人久沉湘心事爾能聞想當懷伯庸以茲費藤繭紙  
長三過讀令我亟稱善冷笑書洛神取義毋乃舛

題梅生庚詩彙

吾門著錄多梅生文載道昨朝寄來詩彌覺風格老清琴一  
高張羯鼓罷勿考羣雅百五篇足以豁懷抱

闕逢君灘

齋中讀書十二首

周官掌三易以通天下志卦名或不齊旅占本一致豈有先  
後天侷離異方位斯言僞且堅足以亂神智演為方圓圖申  
以河洛義儀象卦已陳相錯六十四圖中迭相生十六三十二  
請問安樂翁正名名焉寄

太極非有象一元氣渾淪陰陽至精數義由道士伸列圖自

下上三五理具陳

陳子昂詩太極生天地三元更廢興至精亮  
斯在三五誰能徵義見道家洞真元妙經

番番希

夷叟以此勒貞珉元公一丁倒遂為席上珍

陳搏無極圖倒易  
即為周子太極圖

來費朱陸往復辭紛綸仲尼不可作誰與別僞真

書名達四方掌之周外史曷言乎書名毋乃小序是馬鄭注  
漆經大義已及此古文雖未見序先暢厥旨云何宋諸儒深  
文共排毀書序非孔子作  
其說始林之奇吾聞國史言序書自孔子哀哉秦火  
後未亡亦僅爾苟屬聖人言亦當存其似不見小戴文禮家

以取士何獨詩書序攻者後先起

九疇一五行洪範義先具伯鯨一汨陳維帝乃震怒啓賢能  
繼禹天罰行有扈桑門易地風其說本舛互奈何洛下儒侮  
聖不知懼用三革其二變一成百悟既與洪範殊寧免彞倫  
戮百世而可欺君子亦有惡

孔門善說詩子云商起予流傳大小毛授受大小序縱有齊  
魯韓見之色斯阻夾漈一後生攻以烈火炬先儒誤聽信鑿  
杌生齟齬微言忽中絕大義不復舉聞人左丘明著書秦相  
呂其言雖近誣其事頗足取國僑賦褰裳晉為退師旅木瓜  
美齊桓情豈係男女詩教厚人倫誨淫何獨許可怪上蔡師  
魯齊王氏為  
上蔡書院師為力亦太鉅芟棄鄭衛篇竄改雅頌所  
名南野有死廣入王風而以譚  
大夫衛武公詩改入國風誰為辨異同復遵箋傳語

男女一相悅情迫莫自持不聞桑中契先以定情詩國史明  
得失輶軒別醇疵如何歷鄭衛專錄淫人辭雞鳴風雨夜奔  
者亦可危執袂遵大路豈不畏人知丘中有麻麥兩雄共一  
雌雙雙李樹下寧免相諾誓立言詎可訓說者宜再思無邪  
尼父教用告童子師

詩亡王迹熄百國有春秋魯叟乃筆削寶書肆旁搜晉乘楚  
禱枕鄭志亦見收斯為天子事邦國合九州大書王正月恐  
疑於孟陬胡氏逞私智謂以夏冠周豈其一布衣斧鉞威諸  
侯美惡同其辭此言尤謬悠當其在講幄君臣意綢繆經義  
月經進諷諫同轉翰是時十將存可復二帝讎奈何戒黷武  
惟知安是偷得毋檜所薦知己士當酬流傳設後學乖舛難  
悉糾曷不廢其書述事準左丘

素王六經外論語其總龜紀者六十四義取春秋辭同門有不善一一具書之由求予亢察言失不可追揆諸朋友義情得徇其私寧形弟子短但以尊先師試觀孟子徒克丑亦若斯後儒不曉事吹毛務求疵倡論輟從祀平反者為誰不若鄉愿人非刺無可施瞽宗祀此輩眾口庶不訾吾思屋上烏愛由文人推云何七十子一皆罷其祠何年復舊典俎豆勅有司

漢士守一經其義或駁踳真儒起北海卓哉鄭司農博綜六藝音叩之等木鐘於時內外學罔不羅心胸用以釋儀象明堂暨辟雍初非尚怪異專一譚魚龍緯書河圖魚龍最怪至於五帝名亦惟祀典從德業既日尊弟子爭扳逢黃巾拜車下後儒翻不容一朝輟粟主俎豆何由供嗟彼黎丘鬼謂王通也乃以祀瞽

宗

秦廷君說書敷文太支蔓堯典僅一篇為言且三萬博士賣騎驢亦費三紙券吾思古人辭終與躁人遠辭苟足以達其義自繾綣勿徇買菜求第抒心所願不見陸士衡才多反為患

詩篇雖小技其源本經史必也萬卷儲始足供驅使別材非關學嚴叟不曉事顧令空疎人著錄多弟子開口效楊陸唐音總不齒吾觀趙宋來諸家匪一體東都導其源南渡逸其軌紛紛流派別往往近麗鄙羣公皆賢豪豈盡昧厥旨良由陳言眾蹈襲乃深恥云何今也愚惟踐形迹似譬諸芳蔗甘舍漿噉渣滓斯言勿用笑庶無乖義始

羣雅日凋謝後起靡有涯奇觚累白人各自名其家晉衰尚

有志道古閑詖邪有明三百禩攬秀披春華青田與青丘二  
美洵無瑕吾鄉數程員雙珠握靈蛇自從永宣來其辭正且  
葩泊乎嘉靖季七子言何夸鈞金縱可揀莫披黃河沙一咻  
衆楚和是後尤卑哇先公聞馱舌頓生亡國嗟先太傅初聞袁中  
郎鍾伯敬論詩歎  
曰安得此亡國  
之音慘然不憚吾欲返正始助我者誰邪

雨中從銷夏灣汎舟泊石公山麓

縹緲峰頭雨飛來銷夏灣舟停給孤寺路轉石公山吹浪神  
龜老迎人吠犬豚七檣帆百幅最樂是魚鱗

林屋洞二首

洞天傳第九林屋是吳根地戶真官守塗泥太古存雜花春  
瑣細仙鼠畫飛翻二客思深入囊衣換犢禪謂馮孝廉念祖  
胡上舍期貞  
出谷衣爭曝盤坳炬已灰仙居無路到石翁幾時開題壁思

前事

洞口有亡友  
周箕題名  
翼徐生悖復  
息道院中

窮源誠後來不如神景觀松下且徘徊

時攜  
沈生

太湖眾船竹枝詞十首

村外村連灘外灘舟居翻比陸居安平江魚艇瓜皮小誰信  
眾船萬斛寬

具區萬頃匯三州點點青螺水土淨到得石尤風四面眾船  
打鼓發中流

黃梅白雨太湖棧錦鬣銀刀牽滿曹盼取湖東販船至量魚  
論斗不論秤

幾日湖心趙趙風朝霞初斂雨濛濛小姑腕露金跳脫帆脚  
能收白浪中

灣頭茱萸紅十分湖中鷺鷥白一羣儂船縱入采菱隊不濕

青青荷葉裙

十歲癡兒兩髻梳漁娃不放柁樓居新年判費金三鎰聘取  
村夫子說書

權郎野飯飽青菰自唱吳歎入太湖但得眾船爲贅壻千金  
不羨陸家姑

東溟大鰲也嗟我滅渡橋頭銜尾過一樣風波湖海別黃魚  
爭比白魚多

船頭腥氣漉魚籃船尾女兒十二三染就纖纖紅指爪新霜  
愛擘洞庭柑

莫鰲峰下鳳舟回望見高帆六道開傳語羽林郎莫射漁翁  
元爲進鮮來

題楊賓浮瓠圖

柳條邊予不知幾千里有懷二人予游子戾止松花江予不  
可方思浮以五石之瓠予勝一葦之杭之嗟世兮噉噉投吾  
足予安施仰瞻兮垂屣憚赤豹予文狸遐眺予崇期車或殆  
予馬墮遵陸匪安予溯流匪危竹杖乍釋兮羽扇斯麾我覽  
四方予孰是周才若濟巨川其得也哉

題文處士點山水

去年金侃亡今年文點逝誰修遺民傳念彼宰相系舊游章  
君存早結僑札契示我水墨蹤巖壑最清麗鬚髯黃鶴樵浮  
嵐轉澄霽僧樓架木杪想見舊所憩下有宛轉橋得非寒山  
澗陶陶永夕話歎息何由繼竺塢瑟旣輟山陽壚已閉對此  
神默傷寸心實懷戾題詩卷還君藏之永勿替君自挂君圖  
吾亦制吾淚



同徐吉士昂發陸上舍稹沈秀才翼過普賢僧房

茶塢山根寺經營景定年尚存行在牒未改梵王筵竹覆空池冷松排老樹圓天平知不遠留酌白雲泉

謁韓蘄王墓

蘄王墓近古梧宮暨六夫人祔葬同尚有石甃眠宿草更無宰木動悲風朝端彈事憑汪藻身後碑文付趙雄輸與喪師張魏國史家具狀得徽公

明瑟園雜詠三首

黑雲墮地晚風號賴得山樓置屋牢不特高梧新乳落吹殘阜莢認瓜刀

石橋夜夜雨傾盆茶塢雲多不露根檢點牛宮與豚柵莫教新漲入蓬門

竹外秋葵黃淺淺池南夏木綠陰陰日斜愛客絃桐至翻恨山蟬處處吟

八月十五夜陸上舍稹招同張孝廉大受徐吉士昂

發顧孝廉嗣立徐上舍博復沈秀才翼翫月石湖席

上作

海湧東西寺笙歌鬧梵臺陸郎呼小艇且喜石湖來七十二橋月流光上酒杯浦禽鳴不去勸客莫先回

逢廬州守張絳四首

瓜州東解徹離筵並坐空江赤馬船君去我歸京口猶春鷓秋蟀十三年

潭柘山游舊侶稀每逢鄰笛一沾衣懷君千騎廬江郡日對東南孔雀飛

伍胥門外泊齋舫話舊纏繇客共聽幾度相逢秋水曲黃花  
籬落白蓮涇

四百南朝寺錯連借君一榻坐蕭然龕中彌勒應微笑太守  
輸他布袋錢

同曹叟話舊三首

斜街深樹早涼生樹底娑拖伴我行猶記書堂酒醒後月中  
吹笛到天明

長定花時鬪酒籌周郎三爵足風流縱然紅藕紅蕖在二人皆周郎中

侍兒叟授曲女弟子也誰復孀居燕子樓

戟府沙隄路渺茫十年蹤跡寄滄浪白頭再過僧廬坐共話  
中山獵後狼

旃蒙作噩

詠白杜鵑花應

東宮教

銀榜璇題一道通仙花移植冠芳叢色殊李白宣城見狀比  
嵇含嶺外工照水影齊紅躑躅卷簾香動玉玲瓏梯航萬里  
來何幸采入瑤山

睿藻中

方乾木蓮花圖歌為鐵夫上人作

少日誦九歌芙蓉塞木末得非三閭大夫本寓言豈有江花  
樹頭掇壯年草木多識之乃知黃心之樹產自西北陲毋丘  
道士曾作画醉吟先生亦有詩傳聞雖久虛增羨膩粉輕紅  
幾人見黃山山後鐵頭陀示我生綃圖一卷葉如青桂身青  
楊花開朶朶青蓮香天都方乾染初就拒霜不數滕昌祐我

思此圖更百年定有好事爭流傳老夫為題詩一篇卷還頭  
陀須愛惜慎勿輕污飛蠅點墨瓜牛涎

題黃山鐵公小像

鐵公黃海至曾占最高峰山後一茅屋階前萬壑松禪心離  
怖畏詩卷閱春冬不信巖居樂君看冰雪容

戲題汪上舍

拓益小像二首

世無乞食僧天女隨其後莫是摩登伽巧把阿難咒

歡喜阿羅漢精藍舍衛城山僧少拘束恣意蹋花行

焦山別銘圖為王副使煥作

華陽真逸昔瘞鶴井穴乃在焦山根銘文不省誰氏作紀年

弟有干支存審視要非唐後勒昔年曾與張弘論茲山不與

玉伍其地僻左稀攀援旋渦轉湍奔溜急沐日浴月驚濤

翻峰坳集海舶浪齧藏江豚銘辭汨沒露日少誰扶地戶開

天門丈人守靈威真官降趙尊若非神人護遺蹟安可捫蘆

臺王君信好事躬自荷鍤操犢禪剗苔剔蘚竟深入先以前

趾次尻臀手摸其文無闕失一紙價已當瑤琨西江道士為

傳寫衣袂尚帶寒潮痕惜哉轅馬且北去山游未遂栝與溫

何年金石共搜討疑義相析窮其源

題宋中丞迎

鑿集二首

魚水君臣古不如玉音問答宋胡忠簡公撰駐乘輿近來官閣無留

牘更勅香廚校秘書

西陂水比石湖清雲漢天章照夜明且莫平泉疏草木試看

馬乳後園生

七夕詞六首

箕南斗北火西流萬里明河一夕收難得纖纖兩頭月夜涼  
猶挂曝衣樓

照面微虧半月輪經年別緒暫相親奔龍控鶴緣何事天路  
翻多襜褕人

中庭兒女上駝鈎夏果秋瓜列案頭若使天孫有餘巧只應  
先乞自癡牛

清淺河流次第看橋成猶費立津盤來朝試彈林梢鵲驗取  
修翎乾未乾

舊事虛傳摩喉羅家家秋思問誰多兒童免戴青荷葉借我  
連筒卷白波

馬乳蒲萄哈密瓜吳儂一倍鬪繁華街頭不復簪楸葉但買  
山塘茉莉花

曹通政寅自真州寄雪花餅

舊穀芽揉末重羅麪屑塵粉量雲母細糝和雪餒勻一笑開  
盤榻何愁冰齒齧轉思方法祕夜冷說吳均

題朱顯祖梅花手卷

空裏疎花淡更香珊瑚水底尺難量只應翠羽三更月臥看  
橫枝如許長

贈卓處士爾堪

忠貞公後族蟬聯一代遺民藉爾傳辛苦遼陽存過所其先  
關過所篝燈重話革除年世入

初冬北郭讌集分賦

詩朋期不違勝引情乍愜潦看楚澤收簷與蜀岡接爨爨斂  
餘花燮燮下涼葉短景猶戀人深杯轉稠疊

飲方觀園亭即送其入都

隋苑頻移柳吳歌罷采菱平山窺戶入遠水出郊澄券尾驢  
三紙霜羣鴈一繩金臺行在望樂劇許同登時義興儲子  
執禮同行

玉帶生歌并序

玉帶生文信國所遺硯也予見之吳下既摹其銘而裝池之  
且為之歌曰

玉帶生吾語汝汝產自端州汝來自橫浦幸免事降表僉名  
謝道清亦不識大都承言趙孟頫能令信公喜辟汝置幕府  
當年文墨賓代汝一一數參軍誰謝皋羽察佐誰鄧中甫弟  
子誰王炎午獨汝形軀短小風貌樸古步不能趨口不能語  
既無鸞之鶴之活眼睛兼少犀紋彪紋好眉嫵賴有忠信存  
波濤孰敢侮是時丞相氣尚豪可憐一舟之外無尺土共汝

草檄飛書意良苦四十四字銘厥背愛汝心堅剛不吐自從  
轉戰屢喪師天之所壞不可支驚心柴市日慷慨且誦臨終  
詩疾風蓬勃揚沙時傳有十義士表以石塔藏公尸生也亡  
命何所之或云西臺上晞髮一叟涕漣漣而手擊竹如意生時  
亦相隨冬青成陰陵骨朽百年蹤跡人莫知會稽張思廉逢  
生賦長句抱遺老人閣筆看七客寮中敢吠怒吾今遇汝滄  
浪亭漆匣初開紫衣露海桑陵谷又經三百秋以手摩抄尚  
如故洗汝池上之寒泉漂汝林端之霏霧俾汝長留天地間  
墨花恣灑鵝毛素

柔兆閹茂

春日讀春秋左氏傳心非胡氏夏時冠周正之說偶

憶草廬吳氏讀尚書絕句

原詩前漢今文古後晉古文  
今若論狀勝功遺像皆金

因用

其韻

魯史王正月羣疑積至今丘明一周字直可抵千金

題徐檢討鈇豐草亭六首

青竹槍籬白竹門西濛不異舊時村暮年庾信文章老只合

江關賦小園

蓄意誅茅縛作亭中央四角總虛禱客來不用愁鰕菜漁弟

漁兄滿洞庭

一簣平山一曲池貓頭生筍菟抽絲新來長得金光草試問

主人知不知

春泥就燥雨初晴百草千花一夜生為報亭中宜對酒不成

送客反留行

暇日娑拖一杖支養生方法講多時不應尚戀閒釵釧棗木

流傳本事詩檢討方鏤板行續本事詩

登盤黃雀箭頭魚誰道天隨子不如近日欲傳糖蟹法更來

笠澤借叢書

東禪寺林酒仙祠

仙長洲林氏子幼失水至嘉興為比丘祥符五年卒于寺僧居簡此謂集為作銘龍興明之中吳記

獨破珠林戒惟貪米汁甘醉鄉仍此地古佛與同龕北磻遺

銘在中吳舊事諳門前留綠樹過客每停驂

憶高徵士不騫三首

苦憶尊鄉一釣師捉將官裏去多時匠門自閉潮生閣宋寔

張為主客詩潮生閣在張孝廉大受園中

西華東望禁垣重韉底霜花曉更濃料得簪毫趨朵殿驚

心怕後丑時鐘

薊丘風雪最天斜何處停車問酒家此日聯吟遺一老僧房  
獨對海紅花

謁秦伯廟四十韻

沮漆尋源合江蠻相土弘古公遺哲嗣內傳有明徵肇迹貽  
謀遠先幾脫屣能帝心惟季度祖武得昌繩句曲誅茅始衡  
山采藥曾屈伸等龍蠖游息喻鷓鴣三讓聲何忝羣黎愛莫  
懲稻田占樂歲秦伯圍田城內瓜瓞啓新騰冽井深堪汲高墉近可乘  
謳歌頓洋溢獄訟省侵陵化被仁風厚經傳至德稱宋徐僑請更論語名  
魯經玉輿初弗顧黃屋詎難勝陸雲碑錄詠歸謳歌屢請能舍玉輿之費永襲皮冠之迹自錫宗  
盟重維南庶績凝命圭還作伯端委豈無朋節孰千秋並名  
將萬代矜符子太伯將讓國語其傳曰王欲吾嗣一國之事吾其者之吾聞至人不貴一代之萬世以之貴世家倫序定人  
表上中應漢書古今人表秦伯仲雍均居第二等地紀吳甄胄見陸廣微吳地記祠沿漢永興

到門帆葉卸

陸龜蒙詩讓王門外開帆葉

倚郭殿檐層行潦蘋長薦平墟墓

未崩友于同一廟

皮日休詩一廟爭祠兩讓君

棲止必雙馮熟食均邊豆文

身判股肱獨存冠黼哱不散髮鬚髻

史記索隱引世本文雅是熟食故字熟哉攷文身被髮止雍一

又遜位翻追王浮家乃誕登典儀咸秩久齋宿有司恒芭舞

經春演靈旗練日升官橋行坦坦

近廟有社鼓奏鑿鑿霸業

諸孫歆豐碑異代增斗牛含氣象烏兔信環緹議禮邦人懈

彌文俗吏憎漸疎胞與翟下遺簿兼承畫繪添奇鬼

潘凱記祠兩廡下土

妖木勝詭形罔象編妖句福膜拜乞靈

牲醪減舊秤但令巫史祝罕覩蕙肴蒸斷礎

方花溼空廊蔓草芳青虫晴挂樹蒼鼠暗窺燈灩者

鳴鑾至恭惟嘉惠承為章倬雲漢題扁照柢過客爭趨謁

其誰免戰兢杏梁浮震澤粟主配延陵墜典勤分掌

同時范文正程明道

宗忠簡諸祠降

恩言盡服膺法施民矢報終古潔銅甃

御書扁額

恩言盡服膺法施民矢報終古潔銅甃

山塘紀事二首

寒食山塘路游人隊隊偕桁楊充臯隸簫鼓導神牌紅粉齊

士以王珣地主袍笏  
立阼階延至厲壇

類篇叢階  
租切 吳俗迎城隍  
神至虎丘道

神來官道擁祝祭厲壇仍活脫青袍引縱橫繡幟乘巫風書

具訓奢侈禮宜懲手版紛紛集吾憐張季鷹

吳俗土穀神城內外  
各十多以手版迎城

夏日雜興二首

五月新苗綠上衣農人占雨候荆扉黑雲合處斜光露無賴

蜻蜓千百飛  
桐陰細細白花攢五愛吾廬暑亦寒縱少圍碁消永日也應  
騎馬勝麗官

題裝潢顧生勤卷二首

梅邊亭子竹邊風添種梁園一捻紅不獨裝池稱絕藝  
兼似虎頭工

過眼雲煙記未曾香厨爭藉理籤牋殘山剩水成完幅想像  
張龍樹不能

得三十五弟彝杭州書

司訓吾家弟封書忽見招紅荷花十里開到定香橋

寄訊龔御史翔麟

江橋卜築意麗安聞道田居十畝寬不使車塵喧戶外儘容  
山色到簷端燈前綠酒雙魚洗雪後紅衣一釣竿料得

時巡春有信種花應許上樓看近年每逢車駕  
巡幸一至杭州

送高佑之江寧二首



塵衫破帽獨支筇重向金陵寄客蹤試上風香層閣望至今  
猶剩幾株松

青衿文字國門編暇話姚翁結客年翁字北若念祖友婿快意黃金隨手  
盡秦淮一道擁燈船

汪侍郎霽攜仲子夜過二首

解纜童兒塔侍郎從海寧至抽帆長水村劇談無夜禁密坐覺冬溫雀  
鮓披繇重魚頭漉洒渾回思燕市飲凋謝幾人存

十載疎芳訊崇朝去考堂楚歌休憤恨吳語自清狂舊雨西  
牕在空林朔吹長阿戎飛動意離席倒詩囊

曝書亭集卷第二十一

